

善本書室藏書志

善本書室藏書志卷二十九

錢塘丁丙松生甫輯

集部八

宋東京留守宗簡公文集六卷

明嘉靖刊本

紅藥山房藏書

宗澤撰澤字汝霖義烏人元祐六年進士靖康元年除河北義兵都總管康王使金至磁請勿行詔從王起兵十三戰皆捷金人憚之拔岳武穆於罪卒卒能大敗金人力請高宗還汴疏凡二十八上爲黃潛善等所抑憂憤疽發死之時尙連呼渡河者三贈觀文殿學士謚忠簡嘉定間四明樓昉收其遺文爲集明正德六年金華郡守趙鶴得於王忠文公家序刻以傳嘉靖三十年公之十五世孫旦字仲昭并傳贊像讚題詞詩復墓田記合爲六卷又梓於家塾文徵明彭年胡應軫黃姬水并裔孫訓等各有序按四庫館著錄者乃本朝義烏知縣王庭曾重

編八卷本增諫止割地一疏而此本先已編入請回鑾疏僅載  
十八篇而此本多四篇當時館臣實未覩此本耳有曉堂印紅  
藥山房收藏私印

龜山楊文靖公集三十五卷 明宏治宜興刊本

宋楊時撰時字中立將樂人熙甯九年進士歷知瀏陽餘杭蕭  
山三縣召爲祕書郎欽宗朝兼國子祭酒高宗朝除工部侍郎  
兼侍讀以龍圖閣直學士提舉洞霄宮卒謚文靖宋史入道學  
傳時及從明道沒在建炎四年年八十有七程門中最爲壽考  
此書一至四卷詩五卷書六卷奏狀七卷表啟八卷劄子九至  
十五卷書十六卷記十七卷序十八卷經筵講義書十九卷經  
解二十卷答問二十一卷史論二十二卷策問二十三卷日錄  
論二十四卷字說論雜著二十五卷題跋二十六卷哀辭祭文  
二十七卷行狀二十八卷至三十五卷墓誌銘墓表墓碣此明

宏治間工部侍郎宜興沈時暘得將樂本三十五卷謀刊於  
提學莆田黃公希武不果時南陽王公懋學由祭酒任南京戶  
部亞卿任校正乃招儒士陸儀鍾瓚史元祥梓於家塾并以從  
祀孔庭恩典宋史本傳文定胡公墓誌銘呂本中行狀黃去疾  
年譜備錄卷首仍以李丞相諸公祭文并葉水心湯東澗記附  
錄於後此本前後所錄均闕

龜山先生集四十二卷

明萬曆刊本

先生集文獻通攷書錄解題龜山集皆二十八卷歲久散佚明  
宏治壬戌將樂知縣李熙刊併十六卷常州東林書院分刊三  
十六卷宜興又併爲三十五卷此萬曆十九年將樂知縣海陽  
林熙春序而重刊爲卷四十有二爲篇七百有九爲字約二十  
一萬八千有奇而督學使楚黃耿定力與豐城李瑄又前後序  
之

西渡詩集二卷補遺一卷

十萬卷樓鈔本

宋洪炎撰

炎字玉父南昌人元祐末進士仕至著作祕書少監宋史藝文志載西渡集一卷此則二卷彭芸楣云雙井四洪所著今傳世者惟玉父此集而已卷中舊廬傷懷一首乃疊丙午遷居韻而遷居詩返在卷末殆亦出後人掇拾非原編也此本不然後有補遺四詩附錄一紙

老圃集二卷

十萬卷樓鈔本

宋洪芻撰

芻字駒父南昌人紹聖元年進士官至諫議大夫靖康中爲金人括金銀入諸王邸威挾內人唱歌侑酒雖鼠沙門島不足蔽其罪也宋藝文志載老圃集一卷元明間罕見著錄此輯自永樂大典得詩百七十篇

浮溪文粹十五卷

明嘉靖刊本

明徐興公藏書

宋汪藻撰藻字彥章饒州人崇寧二年進士歷官顯謨閣大學士封新安郡侯宋史入文苑傳陳振孫書錄解題載浮溪集六十卷而趙希弁讀書後志又增猥稿外集一卷龍溪文集六十卷遭變失傳此文粹不知何人所編詩文僅入十五篇而珠玉名言悉在其中洵不媿爲江南寶也前有嘉靖乙卯胡堯臣序序後有永州府知府錢芹重刊同知戴維師校正二條末有正德紀元西充馬金汝礪父後序云原本附錄孫仲益所撰浮溪墓銘鄂州所撰陶令祠堂記并程閣學邁胡司業伸二傳鄂州於浮溪爲鄉晚進意者文粹乃所編定予孫謀以其手稿續鈔於卷末耶祠記已載鄂州小集中茲不重錄二傳則本集所遺存之以俟好事者按伸在太學與浮溪齊名時人語曰江南二寶胡伸汪藻邁亦與浮溪同朝高廟書御屏曰文章汪藻政事

程邁其爲當時所重若此而以浮溪本傳附刻銘文後補其未備亦安在其不可也按錢芹字懋文海鹽人嘉靖戊戌進士由刑曹遷永州知府有晉安徐興公家藏書徐焞之印興公晉安蔣絢臣家藏書木虛傅氏家藏重錄諸印

浮溪文粹十五卷

明萬曆重修本 瑣川吳氏藏書

正德改元廬江郡守某某識云右浮溪文粹十五卷凡八十五篇宋顯謨閣學士汪藻彥章所作彥章婺源人卜居陽羨仍以故居浮溪爲號平生著述甚富尤長於四六行於世者有浮溪集六十卷詩文計千餘首洪武初同郡趙子常跋羅鄂州小集固已歎惜浮溪之文再更變故失傳者多文粹疑子常所未見不知詮擇者氏名就其全集諸體中觀之可謂粹已宏治甲子過南京會吳甯菴翰學於玉亭道及浮溪遺墓在其鄉出是編攜歸郡刻之嘉靖乙卯守土湖南西蜀胡堯臣又梓於永州萬

歷乙卯署永州府事王景勳更修其版行之有瑣川吳氏收藏  
圖書印

忠惠集十卷附錄一卷 舊鈔本 孫淵如藏書

宋翟汝文撰

汝文字公巽潤州丹陽人登進士第以顯謨閣學士知越州高  
宗時歷官參知政事忤秦檜罷歸宋史有傳忠惠乃門人私謚  
也集爲其子耆年所編凡三十卷見於宋藝文志明代久佚館  
臣掇拾於永樂大典中此研經堂傳本也有東魯觀察使者  
孫星衍印吉夢熊印臣顧錫祺竹泉珍祕圖籍謄聞齋諸印又  
有藏書約木記

松隱文集四十卷 舊鈔本

宋曹勛撰勛字功顯陽翟人以恩蔭補承信郎宣和五年賜進  
士科從徽宗北狩著見聞錄嘗命間行詣康王諭其有清中原



之策悉舉行之助自燕山遁歸執政出之於外九年不得遷秩  
後充金國報謝副使及見金主正使何鑄伏地不能言助反復  
開諭金主首肯許還梓官及太后孝宗朝加太尉提舉皇城開  
府儀同三司道熙元年卒贈太保集首登迎鑾七賦乾道聖德  
頌亦肅穆典重匪特詞采雅瞻卽南渡初政亦可攷鏡其家寶  
守遺文從未繕梓明正統五年大理寺正洪益中始從其十世  
孫參敬觀序之輟轉傳錄 四庫所收者已闕第十四一卷此  
亦鈔本獨不闕也

石林居士建康集八卷

依宋鈔校本 吳枚菴黃蕘園藏書

吳焯續谷蘊習錄載建康集八卷宋尚書左丞吳郡葉夢得少  
蘊著紹興八年再帥金陵時所作詩文也嘉泰癸亥孫籛後序  
通攷題十卷據籛序只八卷而此在石林總集百卷之外按直  
齋書錄解題夢得紹聖四年進士崇觀間驟貴三十一歲掌外

制次年遂入翰林中。屢建炎中執政數日。罷晚兩帥金陵平羣寇。功不可掩。忤秦檜以崇慶節度使致仕。其居在下山奇石森列。石林二字出楚詞。天問夢得本晁氏之甥。蔡京門客章惇姻家。猶及見張耒諸人。此鈔帙角題毛氏正木甫里嚴眾人贈吳翌鳳有枚菴流覽所及小印枚菴客漢陽葉桐封舍人乃居士之後。曾借以鈔。後有題字枚菴。又轉贈黃堯圃。從陳氏西酌草堂藏本校頗多是正。并手記源流於前。有復翁印。蕭爽齋書畫記。朱敘海峯等印。

鴻慶居士文集四十二卷 舊鈔本

宋戶部尚書晉陵孫覲仲益著。慶元五年周必大序。初刻於閩。蜀誤雜翟汝文之文。其子興國太守介宗重編此集。是也。趙希弁讀書附志載大全集五十七卷。疑卽闕蜀本。吳氏宋詩鈔云。明嘉靖間常州將謀刻是集。以邑人徐問議而止。蓋覲曾誌万

俟高墓耳繡谷藏本今歸陸氏儀顧堂據其題跋以大全集互校此本所無者爲文九百餘首詩八十五首程忠惠之文或在其中不可攷矣此本有而大全本無者詩五首挽詞六首表四首啟三首記七首外制三首劄子兩首婚書兩首序七首題跋十四首贊一首墓志十一首此本爲介宗所定必不羈入他人著述何以反有爲大全集所無者不可解也正不若兩書並存耳

孫尚書文集七十卷 舊鈔本 王蕙盦藏書

南蘭陵孫覲

謹案 四庫收鴻慶居士集而未收此書當日館臣未見傳本也集中詩爲鴻慶集所未收者八十五首文爲鴻慶所未收者八百餘篇八百年來迄未湮沒錢大昕跋云此本題南蘭陵孫尚書大全集凡七十卷係王文恪公家藏本後歸葉石君氏曾

以鴻慶集參校增補最爲精審仲益主專和議又汙張楚僞命讀其文如於呂惠卿莫儻万俟卨譽之不容口而詆陳東李光尤力幾於無是非之心者然其駢偶之工自汪彥章而外殆罕其匹譬之河鮑江瑤柱雖知其有毒不能不一朵頤也此亦從文恪藏本傳錄有虞山世家文靖公孫人生行樂爾王原祁印曹震甲私印明善堂覽書畫印記安樂堂藏書記諸印

孫尙書內簡尺牘編注十卷

明嘉靖刊本

宋左朝奉郎充龍圖閣待制戶部尙書孫覿仲益撰門人學士李祖堯注

晉陵孫仲益高官大年國史無傳直齋書錄解題載其大全集七十卷經籍攷所載止四十二卷此尺牘十卷乃緒餘耳祖堯親從游學注尤詳審宜與鴻慶集編次時有不同也尺牘雖宋有專刻然晁陳諸志未見專錄成化辛丑仲益十一世孫蜀撫

仁刻於雲間錢尙書溥序嘉靖丁巳建陽守顧名儒重刻自爲跋萬曆庚辰淮陽學政李時成又刻於姚江葉逢春序此本爲顧刻而仍冠錢序於首

藏海居士集二卷

舊鈔本

宋吳可撰

此館臣採輯永樂大典之草底有翰林院點抹筆迹猶儼然也據提要云可當宣和末年官汴京復乞間以去嘗居洪州轉徙楚豫之間集中有與王安石趙令時米友仁諸人酬答詩

藏海居士集二卷

瞿氏精鈔本

宋吳可撰

右爲瞿穎山所錄紅格本末有自題云道光丁酉秋八月日走筆錄竟瑛識穎山清吟閣收藏金石書畫極富辛酉兵燹散失無遺此則一鱗片甲耳按上元朱緒曾據張用鼎金陵新志米

苜寶晉英光集周紫芝太倉稭米集諸書稱吳可字思道金陵人以詩爲蘇軾劉安世鑒賞官至團練使宣和末年挂冠去責授武節大夫致仕詩思益超拔後寓新安野服蕭然如雲水人別有詩話一卷

簡齋詩集十五卷附集外詩一卷

舊鈔本 千頃堂藏書

宋陳與義撰與義字去非汝州葉縣人其先蜀人東坡所傳陳希亮公弼者乃其曾祖也中進士第徽宗見所賦墨梅詩喜之遂登冊府建炎中掌內外制拜參知政事周葵得其家藏五百餘篇刊行之號簡齋集昭德讀書志書錄解題作二十卷劉後村稱其詩以老杜爲師建炎以後避地湖嶠行路萬里詩益奇壯其品格在諸家之上此舊鈔本前列廬陵須溪劉辰翁序朱晦齋小跋又有明正德十二年春王月三十日購於金陵雞鳴寺紫泉道人馬駙伯次父識殆錄自原題也有千頃堂圖書苑

平王氏家藏墓齋鑒定胡氏茨邨藏本諸印

北山小集四十卷

舊鈔本

宋程俱撰

前葉石林序云致道嘗哀平生所爲文屬序會兵興不果復遇火焚棄殆盡稍復訪集得十四五益以近著爲四十卷復請之堅乃論其本末歸之卷數與馬氏經籍攷所載合吳之振嘗得季振宜藏本猶從宋槧而出後來傳鈔者皆本是耳

樵溪居士集十二卷

舊鈔本

宋劉才邵撰

嘉泰元年周必大序稱公字美中世居廬陵大觀三年釋褐甲科宣和初復中詞科兩登館閣一掌外制再直翰苑仕至工部侍郎兼權吏部尙書丐歸優進顯謨閣直學士奉祠卒於家年七十二歲其孫承議郎恪彙公集二十二卷授其子國學生于

齡至是請序樵溪公自號也嘉泰三年楊萬里又序原書久佚  
館臣錄於永樂大典中按其詩文以證史傳無不印合集中慈  
甯壽慶曲爲韋太后生辰上壽侑觴內有頌揚秦檜之語其餘  
爲秦檜曾祖曾祖母祖母父前母母妻秦燭万俟卨等詔制  
口宣等作諛美過量至稱檜爲道接孔孟直如孫仲益一流人  
物矣

竹溪先生文集二十四卷

舊鈔本

李鳳山藏書

宋李彌遜撰彌遜字似之連江人居吳縣少有聲太學一夕有  
同舍生投繯於梁間公時年十七八略無懼意急解其繫臥而  
枕於股上親撫摩而嘘呵之竟全其生名動京師大觀三年上  
舍第一繼而登科政和間以南官舍人使契丹擢左史宣和末  
知冀州堅壁抗敵靖康中平叛卒之變紹興中爲饒吉二州復  
掌書命又力闢和議忤秦檜請祠以歸隱連江西山十六年哦



詩自娛筆力愈偉筠谿乃自號也公之孫曰珙曰琪出遺文二十四卷求樓鑰爲序集名筠谿往往誤作竹谿此舊鈔本亦然有曾在李鹿山處一印

茗溪集五十五卷

精鈔本

宋劉一止撰一止字行簡歸安人宣和三年進士紹興初除祕書省校書郎歷給事中以敷文閣直學士致仕宋史有傳在鎮闔僅百餘日以忤秦檜罷去閒居十餘年檜死復召仍不起韓元吉爲撰行狀張九成其所取士也經籍攷書錄解題載其有非有齋類稿五十卷今題茗溪集且多五卷世之傳鈔皆本於朱氏曝書亭此猶是耳

三餘集四卷

舊鈔本

唐樓宋氏藏本

宋黃彥平撰

四庫館臣從永樂大典輯出此書攷得豐城縣志載宋黃得禮

字執中元祐間進士柳州軍事參軍次子彥平字季岑號次山  
登宣和進士建炎初仕至吏部郎中出典湖南刑獄此冊猶是  
館中草底尙存點校乙改鈎勒之迹有翰林院印又有唐棲朱  
氏結一廬圖書記

大隱集十卷

舊鈔本

邵二雲藏書

宋李正民撰

正民字方叔揚州人政和中進士歷官中書舍人徹猷閣待制  
嘗奉使通問隆祐太后又知陳州爲金人所獲和議成得還宋  
史藝文志載集三十卷今四庫館輯自大典者爲文六卷詩  
四卷有晉涵之印邵氏二雲兩印蓋二雲在館時所鈔也又有  
鳴野山房印則由邵歸沈氏後所鈔也

大隱集二卷

舊鈔本

宋鄧深撰

四庫從永樂大典輯出釐爲二卷題鄧紳伯集并攷定深爲宋人又據萬姓統譜載深湘陰人紹興中進士又據古羅志載深字資道試中教官入爲太府丞輪對提舉廣西市舶以親老求便郡知茶陵州安仁溪峒之盜望風帖息擢潼川潼鹽酒虛額久爲民害請於朝錫潼引四十七萬守令貪虐劾奏之後以朝散大夫終於家愛居東湖之勝建閣曰明秀有文集十卷

枌欄先生文集二十五卷

明正德刊本

屬樊榭藏書

承事郎守左正言主管江州太平觀賜緋魚袋鄧肅志宏撰

肅南劍人枌欄其別號也宣和壬寅以太學生進花石詩狀十有一章詔屏逐之靖康初以薦賜進士出身爲鴻臚主簿及張邦昌僭立不汗僞命走詣行在擢左正言奉祠祿 四庫著錄 枌欄集十六卷此爲明正德十四年同邑林孜思舜以湯陽舊刻兵火損逸訪求全帙縣尹南海羅侯廷佩慨然付梓因序其

首而即後學胡瓊又序之有樊榭山民厲鸚之印二方

栢欄先生文集二十五卷

明鈔本

祁氏淡生堂藏書

承事郎守左正言主管江州太平觀賜緋魚袋鄧肅志宏撰

按王明清揮塵後錄栢欄遺文三十卷今本僅詩一卷詞一卷  
文十四卷 四庫收者是也此明時淡生堂寫正德己卯林孜  
及胡瓊序羅廷佩刊二十五卷本卷一絕詩卷二三律詩卷四  
至卷十古詩卷十一樂府卷十二奏劄子卷十三文卷十四書  
卷十五序卷十六至十八記卷十九二十題跋卷二十一啓簡  
卷二十二祭文卷二十三疏詰卷二十四志銘卷二十五評論  
有山陰祁氏藏書之章曠翁手識圖記

鄱陽集四卷

舊鈔本

宋洪皓撰

皓字光弼政和五年進士建炎中擢徽猷閣待制假禮部尙書

使金爲通問使龔璣副之旣而璣仕劉豫皓獨不屈居雪窖中凡十五年還朝後又見嫉於秦檜安置英州居九年始內徙至南雄而卒諡忠宣事蹟具宋史本傳書錄解題稱集十卷與其子造跋語合四庫館臣輯自永樂大典者尙得四卷康熙間吳允嘉輯忠宣公遺文有在此集外者如追薦徽宗皇帝功德疏知饒州謝表奉使留金金臣悟室求詩口占漫答七律藥石一絕題作出使懷母江梅引多訪寒梅憐落梅詞二闕及引山堂肆攻台州府志饒州府志雜記數條零瑣碎壁皆足助翼此書也按萊竹堂所藏至正二十四年鈔本有孫道明叔吳寬沈與文沈廷芳諸題記亦四卷今尙在東郡楊紹和家安得借鈔而一證之乎

韋齋集十二卷玉湖集一卷

明宏治刊本

紅藥山房藏書

新安朱松喬年

韋齋侍講文公之父也政和八年同上舍出身官至吏部員外郎不主和議爲秦檜所忌出知饒州未上請間得主管台州崇道觀秩滿再請命下而卒文公作行狀稱集十二卷外集十卷外集已佚迨熙七年河陽傳自得序云公詩高遠而幽潔文溫婉而典裁至表疏書奏又皆中於理而切事情可謂至矣嗣子以書抵予曰先人遺文江西遂將刊行而未有序引不敢以不能辭此迨熙初刻也繼刊於至元三年後學廬陵劉性爲序後附玉瀾集一卷韋齋之弟棹字逢年撰著錄於書錄解題後有尤袤跋提要稱爲雖明刻傳本亦稀者是也有紅藥山房收藏私印古鹽張氏宗櫛詠川諸印

韋齋集十二卷玉瀾集一卷

影元鈔本

汴閩源舊藏

新安朱松喬年撰新安朱棹逢年撰

韋齋集前有迨熙七年四月河陽傳自得序至元三年五月五

日廬陵劉性序一二三卷古詩四五卷律詩六卷絕句七卷奏  
議八卷策問九卷書十卷序記題跋十一卷表疏啟十二卷行  
狀墓誌銘祭文玉瀾集後有淳熙辛丑仲春梁谿尤表跋似是  
影寫元本孫淵如觀察藏玉瀾集宋時單行本謂明宏治中鄭  
氏嘗附刊韋齋集後今觀此本疑元時先已附刻也舊爲汪士  
鐘藏有曾藏汪閩源家一印同治初年應敏齋官蘇松太兵備  
道闕龍門書院刊朱子年譜嘗舉此見贈卷端尙鈐應氏家藏  
應寶時印敏齋可與讀過四印今忽忽三十年敏齋歸葬永康  
墓木已拱余猶蠹守書巢不知老之將至益自笑耳

韋齋集十二卷玉瀾集一卷

精鈔本

怡府藏書

宋朱松撰

前有至元三年廬陵劉性序云韋齋集二十卷宋吏部員外郎  
朱公喬年之詩文也河南傅安道序云公嗣子刻諸江西性江

西人也而未始見之蓋其版本亡矣時吳郡干文傳守婺源廬  
陵曹汝舟爲之買位性因寓書曰文公之書在天下家傳而人  
誦之獨韋齋集四方罕見婺源文公故里也必有藏此者其爲  
我購求之汝舟報曰文公祠墓爲豪右所奪者干侯皆取而歸  
朱氏矣仍以遠孫勳掌祠事勳以集獻侯侯閔子之求書也亟  
以相投敢承命繕刻於學宮後附玉瀾集朱棣逢年撰韋齋之  
弟文公之叔父也嘗夢爲玉瀾堂之游甚異有詩紀之消照辛  
丑梁谿尤表作後跋云先生少有軼才不肯隨俗俯仰節愈厲  
氣益高略不見悲傷憔悴之態自作挽歌詞有自我識興廢於  
天無怨尤非深於道者能如是乎此爲吳興辰溪閔氏館甥鄭  
鏗於匡手錄書法整肅有明善堂珍藏書畫印記安樂堂藏書  
記二印



中書舍人韓駒子蒼

銜名之前題江西詩派四字晁陳兩目俱載四卷而馬氏載其文集五十卷詩集三卷文集久佚詩之卷數亦與此異駒字子蒼仙井人政和中詣關上書特命以官累擢中書舍人權直學士院是書爲瑣川吳氏振綺汪氏兩家收藏並有圖書

陵陽先生集四卷

書鈔本 十萬卷樓藏書

中書舍人韓駒子蒼

仙井韓駒自幼能詩黃谷山太史稱其超軼絕塵蘇文定以比儲光羲劉後村謂其詩有已寫寄人數年而追取更易一兩字者故所作雖少亦善駒游太學不第政和初獻書賜進士出身後入西掖坐蘇氏鄉黨曲學罷此藍格舊鈔本有王宗炎所見書一印

灑山集三卷

鈔本 邵二雲藏書

宋朱翌撰

翌字新仲自號省事老人舒州人政和中登第授溧水簿南渡後官中書舍人忤秦檜謫韶州晚召還卜居四明宋藝文志作集四十五卷詩三卷久佚館臣從永樂大典中採輯得詩詞三卷如天氣未佳宜且住風濤如此亦安歸題顏魯公像云千五百年如烈日二十四州惟一人懶軒云經年不濯子春足半月纔梳叔夜頭詳見後村詩話耆舊續聞困學紀聞揮塵後錄隱居通議等書蝕以文輯補遺文詞刻入知不足齋叢書有晉涵邵氏二雲兩印

盧溪先生文集五十卷

明嘉靖五年刊本

曹巢甫藏書

左承奉郎直敷文閣主管台州崇道觀王庭珪民瞻 門人劉江編

庭珪廬陵人政和八年進士調茶陵丞不合棄去隱居盧溪數

十年胡銓不主和議秦檜怒之竄於嶺表庭珪送以詩有癡兒  
不了公家事男子要爲天下奇句坐流辰州年已七十矣孝宗  
時召爲國子監主簿乾道六年復除直敷文閣年九十三乃卒  
是集詩文各半共五十卷清熙時爲其孫澹及曾孫激與門人  
劉江同鐫刻以傳雖不全脫稿亦附於末前有胡銓謝諤楊萬  
里爲序并列周必大所撰行狀胡銓所撰墓銘及諸名公題跋  
至明嘉靖五年崑山張寰序謂葉文莊公得吉州東岡劉宅梅  
溪書院善本寰借以示常熟令梁邦彥英付之梓常熟鄧穀又  
爲序有曹氏巢南一印

盧溪先生文集五十卷

謝氏鈔本

袁又體陳仲魚藏書

左承奉郎直敷文閣主管台州崇道觀王庭珪民瞻著 門人劉

江編

前有降授左通直郎提舉江州太平興國宮廬陵縣開國男食

邑三百戶賜紫金魚袋胡銓序後有劉氏晉齋重刊小木記次  
清熙丁未膺月朝奉郎試右諫議大夫謝諤序序後題吉州東  
岡劉宅梅溪書院善木次清熙戊申九月晦日門人朝奉大夫  
新知筠州軍州事楊萬里序後有鐘式吉州東岡劉宅梅溪書  
院善本一印次盧溪先生行實除國子監主簿諤詞除直敷文  
閣諤詞周必大子充撰行狀胡銓邦衡撰墓誌銘及周益公贊  
先生畫像韓子蒼題跋宜和御書詩胡明仲跋先生盜賊論謝  
諤楊誠齋李子賢楊長儒元歐陽元等文卷一至入古詩卷九  
至十九律詩卷二十至二十四絕句卷二十五祝詞卷二十六  
至三十書卷三十一三十二手簡卷三十三論卷三十四三十  
五記卷三十六三十七序卷三十八三十九啟卷四十四上梁文  
致語疏卷四十一銘贊頌偈祭文卷四十二至四十六墓誌卷  
四十七行狀卷四十八至五十題跋及脫稿以嘉靖五年八月

崑山張寔常熟鄧鞅二序終焉後有雍正丙午仲春太倉浦泰本姓謝心傅氏鈔錄通計四百四十一葉有浦泰之印心傅別字星躍鈔書老更癡婁東謝氏家藏尙論堂得閱居士五硯樓五硯樓袁氏收藏金石圖書記廷禱之印袁氏又愷海甯陳鰓觀仲魚圖象得此書費辛苦後之人其監我諸印

屏山集二十卷

明初刊本

汪季青藏書

宋文靖劉子翬著

宋史儒林傳子翬字彥冲贈太師幹之季子以父任授承務郎辟眞定府幕屬幹死靖康之難子翬痛憤幾無以爲生廬墓三年服除通判興化軍寇楊勛犯閩境與郡將張當世備禦賊不敢犯羸疾不堪吏責辭歸武夷山不出者十七年間走其父墓下涕泗嗚咽妻死不再娶卒年四十七學者稱屏山先生門人朱子撰墓表及集跋跋稱文集二十卷先生嗣子珩編次前有

紹興三十年胡憲序次崇祀公移次張礪謚議次鄭起潛覆議  
有校硯齋圖書據藻堂藏書諸印

豫章羅先生文集十七卷

至正乙巳刊本

宋史本傳羅從彥字仲素南劍人以累舉恩爲博羅主簿聞同  
郡楊時得程氏之學往從之時喜曰惟從彥可與言道築室山  
中采祖宗故事爲尊堯錄靖康中擬獻書闕下會國難不果嘗  
與學者論治曰天下之變不起於四方而起於朝廷譬如人之  
傷氣則寒暑易侵木之傷心則風雨易折故內有林甫之姦則  
外必有祿山之亂內有盧杞之姦則外必有朱泚之叛其論士  
行曰士之立朝要以正直忠厚爲本正直則朝廷無過失忠厚  
則天下無嗟怨一於正直而不忠厚則漸入於刻一於忠厚而  
不正直則流入於懦其議論醇正類此紹興中卒學者稱之曰  
豫章先生清祐間謚文質至正三年延平沙邑曹道振跋云先

生著述最多兵火之餘僅存什一於千百世所共見者郡人許源所刊遺稿五卷而已道振嘗欲搜訪爲文集其年月可攷則繫以爲年譜久之弗就邑人吳紹宗蓋嘗有志於是近得其稿乃加序次釐爲一十三卷附錄三卷外集一卷別有年譜一卷先生五世孫天澤遂錄以壽其傳天澤使其子庭堅求序於卓說以冠其首卷第一經解已關目錄後有木記云至正乙巳秋沙陽豫章書院刊惜中關第四五六及八九十一凡七卷

豫章羅先生文集十七卷

明成化刊本

至正二十七年丁未福建等處儒學提舉卓說序云先生五世孫天澤建書院旣得請前進士曹道振纂次先生文集錄以傳世天澤子庭堅求序其端次年譜題進士曹道振編次後有道振識語卷一經解不存卷二至九遵堯錄卷十爲二程先生龜山先生語錄卷十一十二雜著卷十三詩卷十四至十六附錄

卷十七外集此爲明成化七年邵武太守南充馮孜重刊屬蒲田柯潛爲序書估去柯序以充元槧有日華鑑藏竹懶兩印

豫章羅先生文集十七卷

明嘉靖刊本

是本與元至正乙巳沙陽豫章書院刻式相似無卓說序前列成化八年壬辰知沙縣事嶺南張泰序稱提學憲副豐城游公按節攷校之暇以是集授泰曰正統戊辰燬於兵燹殆盡其幸存僅見此本亟圖銀梓泰對曰謹受命是用重銀以廣其傳卷末有嘉靖甲寅閩沙後學謝鸞識云進士曹公編次校正匪曠括也邑宰張公重鈔諸梓匪鉛槧也慨經歲久版失漸盡用捐廩刊行目錄後木記有刻版捌拾叁片上下二帙壹百陸拾壹葉繡梓工資貳拾肆兩乃嘉靖謝氏重雕張本也有陸仲子曾讀過一印

尹和靖先生文集六卷

明刊本

怡府藏書



宋尹焞撰焞字彥明少孤奉母陳氏以居應進士舉策問議誅  
元祐黨人不對而出告于程夫子曰吾不復應舉程曰子有母  
在歸以告母母曰吾知汝爲善養不必祿養於是不復就舉靖  
康元年授和靖處士金人陷洛陽全家死於賊處士死而復甦  
竄長安山中劉豫僭位思以繫天下望使其僞師來招乃逃渡  
渭紹興五年召爲左宣教郎崇政殿說書八年除太常少卿禮  
部侍郎兼侍講九年使以待制提舉江州太平觀後致仕沒於  
越葬會稽山嘗於紹興八年上劄子諫止講和又有切責秦檜  
一書皆載集中嘉靖庚寅莆田洪珠牧會稽建祠梓其文爲八  
卷今審此本當嘉靖以前所刊首年譜次奏劄詩文爲四卷繼  
以壁帖一卷乃後人錄其黏壁自警之文又師說一卷則其門  
人王時敏所編也有明善堂珍藏書畫安樂堂藏書記諸印

宋著作王先生文集八卷

舊鈔本

十一世孫觀編

著作諱蘋字信伯其先福清人厥考始徙吳紹興四年平江守  
臣孫佑疏薦學行賜右迪功郎未幾賜進士出身除祕書省正  
字秦檜惡之適族子坐法文致奪官以死寶祐丙辰盧鉞序其  
集云著作出處本末則有信史忠言嘉猷則有奏編師友淵源  
性理奧義則有語錄而付之溷晦豈特後裔者之責抑居是邦  
者之羞也福清邑庠舊有文集而吳學獨無王公遂守此邦以  
福清墨本刊於吳學屬鉞序之然不言卷數書錄解題作四卷  
此明宏治三年著作十一世孫觀摭拾殘贖增益題跋第爲八  
卷祝允明撰重刻序按著作爲唐水部郎中榮八世孫嘗搜輯  
水部省試詩二十一首編附麟角集後而觀又重編著作之集  
眞後先濟美者矣

盡忠錄十卷

明鈔本

吳文定藏書

宋丹陽陳東少陽

東一字潤之欽宗賜迪功郎同進士出身補太學正錄嘗伏闕  
上書請去蔡京王黼而用李綱高宗卽位召至行在又劾黃潛  
善汪伯彥適歐陽澈亦上書及乘輿黃汪遂摘其語同激上怒  
棄諸市後追贈承信郎又加贈祕閣修撰集不著於宋藝文志  
書錄解題嘉定改元李忠定公之孫大有藏其事跡莫知何人  
編次掇取制詔中二字題曰蓋忠錄序之銀木以廣其傳元大  
德間復有版刻明正德十年楊一清序稱近丹陽太學生孫育  
得所謂盡忠錄者質之鄉進士陳君沂屬爲編次丹陽令申君  
理刻以傳陳沂孫育並有跋乾隆時彭文勤公見季滄葦所藏  
正德年印本爲唐荆川圈抹尙無補錄二卷此鈔本十卷前止  
李大有一序附錄中不及元以後人當爲舊本有叢書堂印明  
善堂覽書畫印安樂堂藏書記諸印

少陽集十卷 舊鈔校本

宋陳東撰

是集乃明宏治時孫育得公盡忠錄屬太史陳沂編次行世本集五卷附錄五卷版尋遭燬天啓時育之孫雲翼作序屬其甥賀日獻重梓之並列魏鶴山原序於首按先生集在當時已刊布於世而馬貴與經籍攷不載何耶此烏絲格鈔本版心刻敦宿好齋藏書六字

郴江百詠一卷 鈔本

宣和甲辰二月舒城阮閱自序云郴古桂陽郡如杜子美寄聶令入郴州韓退之郴州柳子厚登北樓沈佺期望仙山戴叔倫過郴州之類是也山川寺觀之勝城郭臺榭之壯未經品題者尚多余宦於郴三年因暇時作一二小詩遂積至百篇云闕字闕休建炎初官至知袁州府事有松菊集今亡別著詩話總龜

侍郎葛公歸愚集十卷

舊鈔本

十萬卷樓藏書

浙江採輯遺書總錄于集列歸愚集十卷知不足齋寫本陳氏書錄作二十卷四庫全書總目詞曲類歸愚詞一卷立方有歸愚集已著錄而別集無歸愚集提要殆偶脫也立方字常之丹陽人徙吳興紹興八年進士以郎官攝西掖忤秦檜得罪將召用矣言者又以爲附會沈該罷不復起士禮居藏宋殘本自五卷至十二卷後人從他處補入以足十卷之數古律詩四卷樂府一卷賦騷銘文一卷外制二卷表一卷啓一卷而韻語陽秋中喜子郊登第律詩失載知其遺脫尙多此爲蕭山王氏十萬卷樓鈔本有王宗炎所見書一印

侍郎葛公歸愚集十卷

舊鈔本

瓶花齋吳氏藏書

卷端有乾隆丁巳秋九月錢塘吳城記云通攷歸愚集二十卷吏部侍郎葛立方常之撰勝仲之子丞相郊之父也以郎官攝

西掖忤秦檜罷官此僅十卷似非全書零珠散玉未知尙流落人間否也卷首有敦復印吳焯尺鳧西泠吳氏繡谷薰習四印按正德二年葛謚跋韻語陽秋云公所著歸愚集五十卷外制集五卷似不止通攷所列之二十卷也別著西疇筆耕五十卷方輿別志二十卷

歐陽修撰集八卷

舊鈔本

宋崇仁縣西耆歐陽徹德明著

徹於建炎初徒步行在伏關上書請誅黃潛善汪伯彥與陳東俱論死年三十有一朱子語錄云某族叔祖居高郵一日使人往楚州鹽城小村中買物人不歸後問之乃云彼村中三四日大雪叔祖甚怪之云八月二十間安得有雪亦且據其僕云記之後有人自彼中來問之果然乃歐陽徹死時也高宗後悔之追贈祕閣修撰宋史入忠義傳紹興二十六年環溪吳沅得其

古律詩詞詔書語編爲飄然集三卷序之嘉定甲申會稽胡衍  
又取行在所上之三書各爲一卷併刻於臨川俸廨附錄列傳  
詰辭事跡乃廿世孫鉞所輯廿一世孫仕所梓明永樂間李至  
剛王克義洪熙間吳溥萬厯間吳道南次第爲重刻序湯顯祖  
爲誅此舊鈔本有古芸閣藏書白河姚氏錦江圖記二印

高東溪先生文集二卷附一卷 舊鈔本 朱竹垞藏書

次厓閩銀同林希元茂貞編卓峰江金谿黃直以方校正

宋高登撰登字彥先號東溪漳浦人宣和間太學生靖康之禍  
與陳東伏闕上書請誅蔡京童貫等六賊欽宗方擢吳敏張邦  
昌爲相又將起用李邦彥復上書力爭紹興二年舉禮部授富  
川簿調古縣令時胡舜陟帥靜江欲爲秦檜父立祠登不可舜  
陟誣構逮治適舜陟敗得減死謫容州卒通攷載登集二十卷  
陳錄宋志皆作十二卷嘉靖丙戌林希元序稱往得其集於留

都思刻之其鄉以語漳節推黃子以方曰我責也取歸刻之直  
又自爲序有秀水朱氏潛采堂圖書一印又別本鈔自徐興公  
手錄本有燭題云東溪詩如作掾只三語讀書空五車一無可  
意身將老百不如人心自知家連滄海難窮目人在蠻荒欲盡  
頭歎如分憂南服得諸侯之寶三儷美古人有君子之道四梁  
子徒勞走州縣嗟十年其猶初蕭生不得行胸懷雖百歲而何  
益伯樂去而凡馬空罔象來而元珠得亦皆佳句也特附記之  
岳少保忠武王集一卷 明刊本 鳴野山房藏書

宋湯陰岳飛撰 明華亭陳繼儒輯門人單恂訂

飛字鵬舉相州湯陰人解樞柄後還兩鎮節充萬壽觀使奉朝  
請紹興十一年歲暮秦檜書小紙付獄卽報飛死時年三十九  
孝宗詔復飛官以禮改葬建廟於鄂號忠烈祠熙熙六年諡武穆  
嘉定四年追封鄂王事蹟具詳宋史本傳武穆集書錄解題作



十卷佚已久明徐階編止一卷凡書一篇劄十六篇奏二篇狀二篇表檄跋盟文各一篇題識三篇詩四詞二 四庫著錄者是也此冊爲崇禎戊寅單恂訂本前列本傳較徐刻劄多十一篇奏多四篇又多記三篇詩多四篇恂爲之序版心梓淨名齋三字有鳴野山房印

雪溪集五卷 鈔本

宋王銍撰

銍字性之汝陰人自稱汝陰老民宋初周易博士昭素之後萃之子曾紆之壻也嘗撰七朝國史紹興初以薦視秩史官給札奏御爲樞密院編修官秦氏柄國中止寓居剡溪善屬文不樂仕進藏書滿架卒後秦檜子燿屬郡將索所藏書許官其子銍子泣拒曰願守此書不願官也燿竟不能奪其子則著抑塵錄之明清也陳馬兩家皆云八卷此祇五卷又無序跋或有闕佚

歟

蘆川歸來集十卷

舊鈔本

宋張元幹撰

吳氏宋詩選云元幹字仲宗永福人太學上舍歷官至大監所與遊皆偉人賢士嘗哀其亡友唐愨生詩帖禱軸瓘粲如諛達人貴公時嘉其友義又於亂紙中得其祖文靖手澤知祖未第時壻於劉氏劉無出莽於福清元幹求之榛莽中割牲釀酒爲文刻石以傳子孫作幽巖尊祖錄宣政間游定夫楊龜山陳了翁朱喬年李伯紀洪駒父徐師川吳居仁名賢三十餘家咸題跋歎美之有蘆川歸來集十餘卷逸其大半詩止近體六七二卷清新而有法度蔚然出塵金星韜謂宋刻兩冊爲石門吳氏收藏後爲王子聲宏所得不知今在何所矣此從永樂大典所載刪其複而補其缺釐爲十卷前列會彙原敘

盧川歸來集六卷

舊鈔本

汪魚亭藏書

三一

元幹自號真隱山人又曰蘆川老隱貫題長樂永福莫詳孰是此書凡詩二卷但有律詩而無古體雜文三卷釋家疏文道家青詞爲多末一卷爲幽巖尊祖事實乃記其祖母外家置祭田事附以同時諸人題跋中多元祐名筆乃其孫欽臣於嘉定己卯知於潛縣時所刊疑爲後人得其叢殘而編成之或其前已有闕佚也有汪魚亭藏閱書印 四庫館題曰別本入之存目別從永樂大典中輯釐十卷附錄一卷

橫浦先生文集二十卷

明刊配吳石倉鈔本

門人郎暉編後學吳惟明校梓

宋張九成撰九成字子韶其先開封人徙居錢塘從楊龜山學秦檜託人致意曰肯從吾遊當薦之館閣九成答曰王良尙羞與嬖奚乘吾可爲貴游客耶紹興二年對策第一官禮部侍郎

以惜棺和議謫官卒復敷文閣待制寶慶初贈太師崇國公謚文忠是集爲其門人郎暉所編凡賦詩四卷雜文十二卷前有姪寮撰家傳于有成撰序有成祖母爲文忠公女弟序事甚詳天祿琳琅有宋刻本無心傳日新二錄此明刻殆從宋出也卷十四後補以吳石倉手寫本六卷有守實政師室二印

胡澹菴先生文集六卷

舊鈔本

振綺堂汪氏校藏

宋胡銓撰銓字邦衡廬陵人建炎二年進士第五授撫州軍事判官未上父喪除兵部尙書呂祉以賢良方正薦賜對除編修官上書詆和議乞斬秦檜論吉陽軍檜死得自便孝宗卽位始復官召用再沮議和得罪去乾道中爲丞郎亦不容於時以資政殿學士致仕卒謚忠簡宋史有傳有澹菴集一百卷書錄解題載七十八卷宋藝文志載七十卷則爲其子澥與其族子渙族孫祕哀集池陽太守蔡必勝校刻未就雷孝友顏機踵成之

今僅存詩文六卷出於後人編輯首載本傳次慶元五年門人楊萬里序云先生之文肖其爲人其議論閎以遠其記序古以則其代言典而實其書事約而悉其爲詩蓋自觝斥時宰謫置嶺海愁狷酸骨饑蛟血牙風呻雨嚼濤謠波詭有非人閱世所堪耐者宜芥於心而反昌其詩祝李杜夜郎夔子之音益加恢奇云此本有朱筆增改最爲精善有汪魚亭藏閱書一印

五峰胡先生文集五卷

舊鈔本

宋胡宏撰宏字仁仲號五峰崇安人安國季子以蔭補承務郎秦檜舊與安國深契頗汲引宏宏獨上書乞爲嶽麓山長詞婉意嚴不爲權利所奪雖槍死後召用仍辭疾不起若有皇王大紀是集乃其季子大時所編門人張栻爲序第四卷卽皇王大紀八十餘論也此外詩一卷書一卷雜文一卷經義一卷殆書錄解題之所謂五卷本也

斐然集三十卷 舊鈔本

書錄解題題禮部侍郎胡寅明仲撰寅崇安人本胡文定公安國弟之子初生棄不舉文定收育之既長俾自絕於本生不爲心喪止服世父之服宣和三年登進士科紹興初已爲從官不主和議秦檜初與文定有契頗思援引寅兄及弟不惟不黨且忤之尤力竟謫新州檜死北還歿於岳州事蹟見宋史本傳集凡三十卷馬攷陳錄同端平元年馮佐刻於蜀魏了翁爲序嘉定三年鄭肇之又刻於湖湘章穎爲序自來繕錄者皆出自宋本此本密行細字通部完善洵不易得也

莆陽知稼翁集二卷 舊鈔本 汪魚亭藏書

宋尚書攷功員外郎黃功度著知邵州軍事借紫男沃編新泉州惠安縣主簿孫處權校勘明十一世孫廣東按察司僉事廷宣工部右侍郎廷用重校

公度字師憲莆田人唐御史潛之後紹興八年省元免御史試  
賜進士第一人初任平海軍節度判官除祕書正字秦檜當國  
坐與趙鼎往來謫通判肇慶府檜死高宗更化召還爲考功員  
外兼金部卒年四十八慶元二年鄱陽洪邁序公集爲嗣子沃  
彙次十有一卷沃自有跋且乞陳俊卿爲序與書錄解題相合  
後裔孫鳴震又從綱鑑錄補公著漢書錯誤一段及行狀墳銘  
此天啓乙丑裔孫崇翰合編分上下二卷有汪魚亭藏閱書及  
購書良不易子孫守勿替二印

蒲陽知稼翁集二卷

舊鈔本

右舊鈔本前列著編校勘銜名三行與前本同惟重校無廷宣  
銜名僅工部侍郎前洗馬侍講世孫廷用一人耳集序首陳俊  
卿次洪邁上卷爲賦爲詩下卷爲詩爲挽章爲奏議爲書爲表  
爲啟爲記爲序爲跋爲行狀爲青詞爲祝祭文爲詞附錄漢書

錯誤一段及宏治十六年興化府志傳紹興二十六年龔茂良  
撰行狀林大辨撰墓誌銘嗣子沃撰壙銘後天啟乙丑十一世  
孫崇翰誌云知稼翁集目錄文獻通攷及八閩通志更宋元之  
變無有存者嘉靖辛卯主政敬甫公刻四知公集其序慨知稼  
翁集不可見丙午先司空任翰撰司徒君翰公任文選有陝中  
謁選人持是集贊冊有御印蓋前朝祕府流落人間者得之喜  
從天墜與先考百叩交慶乙卯考以宮洗謫倅衡州刻於衡王  
戌倭變版復燬乃就榕城陳環江公索回一部姪孫鳴俊自會  
稽寄俸遂圖付梓

默堂先生文集二十二卷

影宋鈔本

曹德圃朱竹垞藏書

門人沈度編

宋延平陳淵知默撰淵一字幾叟沙縣人紹興七年賜進士出  
身以胡安國薦除御史擢宗正少卿嘗題其居曰默堂了翁之



姪孫楊龜山之門人又爲其婿得理學源流之正屢上劄子論和戰不可偏執惟在施之得宜又論秦檜親黨鄭億年從賊乞寢其職名檜怒以何鑄論罷集乃紹興十七年門人沈度編并爲序消熙戊戌廬陵楊萬里又序宋史藝文志載集二十六卷詞三卷又別本題存誠齋集爲十二卷有文無詩此本則詩十卷文十二卷詩中應當慎行止之慎字注曰御名同音則猶是影摹消熙舊刻者有曹洛私印潔躬翁尊明善堂覽書畫印記安樂堂藏書記諸印

唯室集四卷附錄一卷

舊鈔本

宋陳長方撰長方字齊之其先浮光人後家於福州十四歲而孤奉母客於吳與弟同之安貧力學一日讀論語至參乎吾道一以貫之曾子曰唯始而疑終而信喟然而歎曰六經之旨無踰此一言因榜其居曰唯室紹興戊午擢進士第調太平州蘇

湖尉爲政尙恩信事無劇易臨之曉然秩滿代還邑人老幼扶  
泣拜送數舍老人言前所未有以薦陞左從政郎授江陰軍學  
教授未行疾卒年四十一所著有文集十四卷春秋記三十二  
篇尙書講義五卷兩漢論十卷步里客談二卷辨道論一卷今  
惟步里客談與此集採輯本存焉此集有乾道戊子魯國唐瑑  
原序館臣僅得文五十五篇詩三十九首釐爲四卷附以他人  
所作銘狀記序等作於後

右別集類七

藏書志卷二十九

三

善本書室藏書志卷三十

錢塘丁丙松生甫輯

集部九

香溪先生范賢良文集二十二卷

元至順刊本

季滄葦汪閩源藏

門人高旃編

宋范浚撰浚字茂明婺之蘭江人舉賢良方正以秦檜當國不起紹興三十一年同邵陳巖自序其集曰先生居香溪之上自少至老篤學而贍於文探道而不以世故嬰其慮其家世父祖爲名卿賢刺史昆弟多居廡仕而先生了無仕進意危坐一室塵埃棲戶牖而凝几席敗帷故器人所不堪而先生貌充體胖神宇泰然其言經術如親得聖人而授其旨其論古成敗事如目擊而身履之而出示所爲文則辯博而峻整正與向所言論者相表裏先生猶子元卿過余曰叔父爲文至多今欲與世共

之力有未辨則先刻其詩賦論議雜著爲二十二卷願敘以冠其首元卿名端臣今亦以文知名方有志於世者元時吳師道嘗作後序此本師道後序已失的爲至順壬申所雕今章楓山跋本且不可得元槩不益足珍哉有御史之章季振宜印滄葦三印又元本及汪士鐘字春霆號眼園書畫記二印

鄭忠肅公奏議遺集二卷

鈔本

宋少師開府儀同三司特進上柱國武泰軍節度使封壽昌郡開國侯食邑一千九百戶鄭興齋著

興齋字光錫初名興宗由成忠郎厯官江東路鈐轄均州防禦使保靜軍節度使召領內祠武康軍節度使贈太尉謚忠肅爲徽廟顯肅皇后三世族孫高宗南渡諸后家皆厄於兵惟顯肅姪榮國公諱藻者舉宗厄從艱難備嘗公乃榮國公猶子初推恩入仕卽以才能結主知游歷中外旋膺封爵累任以來凡一

百九十餘奏而召對面陳者不與焉其小者一方利弊職事所  
關如救荒蠲稅禁羨恤刑等類固朝上而夕報可其大者則薦  
賢才明典禮備要害厚兵民皆名繕碩畫坐言而起可行而於  
褒忠黜佞建儲過宮諸大端足以繫人心而培國本者尤能剴  
切敷陳委曲開導必得當而後已惜南北播遷家乘淪亡所存  
奏疏狀表僅三十餘首其裔孫集而刊之并附年譜於前

竹軒雜著六卷 舊鈔本

宋林季仲撰

書錄解題集載十五卷久佚 四庫館輯自永樂大典凡詩二  
卷文四卷此鈔本是也季仲字懿成永嘉人與弟曰仲熊曰叔  
豹曰季狸皆從學於許景衡宣和間登進士調婺州司兵曹出  
死囚之無罪者遷仁和令紹興初以趙鼎薦除祕書郎祠部員  
外郎尋擢太常少卿出知泉州鼎再相除中書門下檢正諸房

文字秦檜主和議季仲上疏引句踐事吳之事檜不悅罷爲直  
龍圖閣主管洪州玉龍觀久之起知婺州復以直龍閣奉祠沮  
和議一疏不見集中則文之散亡者多矣

拙齋文集二十卷拾遺一卷

影宋本

三山林之奇少類

之奇侯官人紹興二十一年進士官校書郎會朝廷欲學者參  
用王安石三經義之說上言曰王氏三經孔孟書中所謂邪說  
詖行淫辭之不可訓者或傳金人欲南侵因作書詆當路以爲  
久和畏戰人情之常金知吾重於和故嘗以虛聲喝我然欲與  
之和宜無憚於戰而必以人才爲先以痺疾乞外遂除泉舶司  
參議以祠祿家居自稱拙齋高宗御書損齋記因奏三說謂損  
思以益德損用以益本損華以益實高宗深以爲得事君之體  
陳振孫書錄解題載其集未有拾遺文又門人呂祖謙祭文隴

西李桐宸辭姚同述行實文瑞樓藏有影宋本此本從之出也  
每葉二十行行十九字版心上記字數下勒工名

太倉稊米集七十卷

舊鈔影宋本

右宋宣城周紫芝少隱撰紫芝自號竹坡居士紹興中廷對第  
三年已六十有一歷樞密院編修官右司員外郎知興國軍爲  
政簡靜不擾而事亦治秩滿奉祠歸入廬山終焉乾道丁亥陳  
天麟及唐文若序其集稱七十卷紫芝自序云昔者山谷先生  
書告其甥曰文章直是太倉一稊米耳黃公文可與馬遷揚雄  
劉向之徒相爲表裏詩則子美子瞻而下不數也而猶小之如  
此况不逮其萬一者乎未有清熙癸卯陳公紹誌語并程光遠  
王收程恭孫光祖銜名猶存宋槧舊式惟集中諛美秦相連篇  
累牘卽武穆之冤亦未嘗深惜提要謂略其人品取其詞采旨  
哉言乎



夾深遺稿三卷

舊鈔本

鄭樵漁仲

樵莆田人居夾深山中因以爲號又自稱西溪逸民紹興中以薦召對授右迪功郎兵部架閣尋改監漳州南嶽廟給札歸鈔所撰通志書成人爲樞密院編修宋史入儒林傳宋儒多疏攷證樵獨以博洽著稱傲睨一時縱論秦漢以來著述家鮮有當其意者故其文恣肆汎濛頗近唐之李觀孫樵劉蛻一派詩則亂頭粗服而蒼秀在骨自遠俗塵是集向無著錄前後亦無序跋或爲元明人所編輯上卷詩五十六首中卷記論各一篇書二篇下卷書三篇鈔寫古舊有調某半樵二印亦不知誰氏也

雅林小彙一卷

影鈔宋本

錢塘王琮

按厲鶚宋詩紀事王琮字中玉括蒼人監永嘉酒稅有雅林小

蔡選詩三首卽在是集此卷後有臨安府棚北大街陳氏書籍鋪刊行一條攷之何鏗括蒼彙紀有何琮字宗王而無玉琮此題錢塘乃出宋本不知樊榭翁何由而作括蒼人也俟再攷之

吳文肅公文集二十卷

明刊本

汪魚亭藏書

宋廣南安撫竹洲吳徹著明中書舍人裔孫吳瀛校

文肅初名偁避國諱改名徹字益恭休甯人十歲能文與兄俯有名太學時爲之語曰眉山三蘇江東二吳紹興二十七年進士調明州鄞縣尉陞修職郎隆興元年獲盜盜改承事郎乾道二年知饒州安仁縣淳熙元年轉奉議郎通判邕州五年被召除知州兼廣南西路安撫都監提舉欽廉等州盜賊公事沿邊溪洞都巡檢使兼提點買馬事親老尙祠主管台州崇道觀十年致仕卒年五十九曾孫資深始寢其遺文爲二十卷表上之得易名之典兵燹版亡宏治六年十世孫雷亨始續刻之前列端

平乙未程泌濱祐七年呂午嘉熙戊戌洪揚祖及外曾孫堦陳  
塤原序四篇又列同邑程敏政序後附其兄俯棟華雜著一卷  
附錄勅誥進書表文謚議行狀傳贊及往來投贈諸作此爲萬  
厯裔孫瀛校汪魚亭所藏有其圖記

竹洲文集十卷

舊寫本 汪闕源藏書

宋吳儆撰儆初在大學卽有志於當世龍川陳公稼軒辛公咸  
奇其人而友之又與止齋陳公水心葉公石湖范公上下其議  
論而參諸東萊爲歸更投教於南軒晚築室竹洲學者雲集因  
以所聞於南軒東萊晦翁者轉相授受實大裨於學術嘉熙二  
年十一月曾孫徽州衣布吳資深繕寫文集三十卷總爲一十  
冊表上奉降付尙書省議謚文肅此本作十卷驗其賜謚教牒  
款式當出自宋槧雖非三十卷之舊第或編次在二十卷以前  
也一至九卷爲奏議政議表啟書記序祭文雜著銘贊賦詩樂

府十卷爲棣華雜著乃其兄俯字益華仕至國學錄所著集前有程琬呂午洪揚祖三序集後附錄陳亮陸伯壽張南軒朱文公序贈書簡及程卓所撰行狀進書表謚告敕牒有曾藏汪闓源家一印

高峯先生文集十二卷

曹鈔本

林吉人藏書

宋廖剛撰剛字用中順昌人高峰其號也少從陳瓘楊時學崇甯五年進士官和間由國子學錄擢監察御史蔡京當國論奏無所避以親老乞外知新化軍欽宗召爲右正言除工部員外郎紹興間以散寇賊累遷給事中權戶部侍郎後知漳州召拜御史中丞既爲秦檜所憾以徽猷直學士提舉明道宮紹興十二年卒乾道七年邵武軍學教授葛元隲序其集咸信辛未吳邦傑誌云高峰先生文肅公文集乃公之長子來守茲土因郡博士之請錢梓以傳咸久字漫弗堪摹印後百餘年邦傑繼明

郡奇謁學詢之書庫已無全書遂出家藏舊本補缺云馬攷陳錄皆未載其目提要謂其集久無刻本傳寫多誤脫無從補校此乃康熙癸酉冬閩南林信家藏鈔本吉人手識云從吳門申函吉長兄借鈔略爲覆校有鹿原林氏藏書一印信字吉人閩縣人康熙五十一年進士官中書舍人工楷書爲一時所重

羅鄂州小集五卷

明刊本

新安羅頤著從孫朗校

頤字端良號存齋歙縣人以蔭補承務郎乾道二年進士通判贛州道熙甲辰由知南劍州改鄂州乙巳卒於官頤父汝楫助秦檜害岳武穆天下嫉之而頤文學政事有以自立洵能幹父之盛矣文集六卷爲州佐劉清之所刊一爲洪武刊五卷本有宋濂趙壘李宗頤蘇伯衡馬城鄭玉等序一爲天啓間從孫朗校五卷本視洪武刻多新城記一篇有王棹序此書既以兩刻

本合配不足補以吳志上先生允嘉手校本不異七寶樓臺矣  
艾軒先生文集十卷 舊鈔本

宋林光朝撰光朝字謙之莆田人隆興元年進士歷著作郎出  
爲廣西提點刑獄移廣東平寇召拜祭酒兼左諭德改工部侍  
郎不拜以集賢殿修撰出知婺州卒諡文節宋史並列儒林道  
學兩傳官祭酒時謝廓然由曾覿得賜出身除御史光朝曰是  
輕臺諫羞科目也立封還詞頭士論翕服朱文公於當世之學  
間有異同惟於先生加敬焉馬端臨謂先生學力既深下筆簡  
嚴高處逼擅弓穀梁平處猶與韓並驅在時片簡隻字人已貴  
重今其存者如岫嶠碑岐陽鼓矣集爲復齋陳宓序云族孫同  
叔彙爲十卷後載劉克莊序云外孫方之泰彙爲二十卷二序  
皆不著年月又有淳祐十年劉克莊序亦爲之泰作者是同叔  
搜輯在前之泰搜羅在後故卷數視同叔本爲多耳此本僅十

卷疑是同叔本正德辛巳莆田重刻族孫浚序而文瑞樓書目  
稱正德時林元仲雷應龍擇其有關繫者刻成十卷屬林見素  
鄭岳爲前後序應龍自綴一跋一似十卷爲元仲應龍選擇而  
成安得訪正德時所刊者而一辨之

漁溪詩稿二卷漁溪乙稿一卷

精鈔本

錢塘俞桂希郊

桂字希郊錢塘人紹定五年進士集中有居官一絕云幸喜居  
官事不多空庭吏散雀堪羅當非要職踪亦不出蘇松之間

漁溪詩稿二卷 影鈔宋本 淡生堂藏書

錢塘俞桂

卷後題臨安府陳氏書籍鋪刊行卷首有山陰祁氏藏書之章

曠翁手識圖記

晦庵先生朱文公集一百卷續集十一卷別集十卷

明嘉靖刊本

宋朱子撰按趙希弁附志朱文公之文嘉熙己亥王埜刻於建  
安黃壯猷識於後續集則王遂刊而序之然南康黃西陂諸處  
所刻墨帖之類或不在焉然則遺逸尙多陳振孫書錄解題載  
朱子文集一百卷紫陽年譜三卷 天祿琳瑯載宋刊前十二  
卷後十八卷目錄之首標菴晦朱先生大全文集是大全之名  
不始於蔡方炳之刻明成化十九年莆田黃仲昭謂闕浙舊皆  
有刻本浙本洪武初取置南廡不知輯於何人今闕溝所存本  
則先生季子在所編其後續集別集亦併刻之歷歲既久刊缺  
浸多讀者病焉仲昭自翰林謫官南都偶得闕本公暇取浙本  
校之其間詳畧微有不同丙申闕憲使山陰唐公質夫僉憲蘭  
谿章公德懋閱舊版磨滅以仲昭所校補未訖工二公相繼去  
任僉憲天台林公一中慨然謀於先生九世孫都轉運伯承君  
復以仲昭校本精加警訂謄正腐易缺補始無遺憾及嘉靖壬



宸闕版又壞張憲副大輪白諸前巡按虞侍御守愚蔣侍御詔重刻之而胡憲使岳躬爲校讐潘憲副潢佐之羅憲副英陸憲副銓姜僉憲儀劉僉憲案咸與有勞饒平蘇信爲之序婺源潘潢更跋其後並仍清祐五年王遂續集成清元年建安書院山長黃鏞序於各卷端尾有榮陽叔子私印一方

晦庵先生朱公文集百卷續集十一卷別集十卷

日本刊本

按百卷本黃仲昭謂文公季子在編定續集未詳何人有清祐五年王遂序別集據黃鏞跋謂余師魯採掇而成每篇題下記其所得宋元時閩浙皆有刊本浙本洪武初版移南廬闔本舊置潘署歲久漫漶嘉靖壬辰按察使胡岳副使張大輪重刻版心有朱子大全四字前有蘇信序後有潘潢跋此爲日本刊本卷第悉仍舊貫末有正德辛卯年八月十三日一條

文公朱先生感興詩注一卷武夷權歌注一卷

舊鈔本

門人蔡模學武夷權歌懼齋陳普尚德注

朱子撰感興詩自有序云齋居無事偶書所見得二十篇雖不能探索微眇追述前言然皆切於日用之實故言亦近而易知既以自警且以貽諸同志云初有四家注元胡炳文廣之爲十家更參以已說別之爲通與四書通例同十家者長樂潘氏柄楊氏庸成建安蔡氏模真氏德秀詹氏景辰徐氏幾黃氏伯賜番田余氏伯符新安胡氏升胡氏次焱也此止蔡氏原注有嘉熙丁酉仲春蔡模識云朱子不徒以詩爲詩而以理爲詩齋居之感興是也其詩包羅眾理總括萬變排闥異端又皆正其本而探其原模侍先君讀之不覺手舞足蹈之意然亦慘然未曉其爲何說也先君問因具憤悱而啟發之似有所見隨筆鈔記不覺成帙云末附武夷權歌文公自題云清熙甲辰仲春精舍閑居戲作武夷權歌十首呈諸友游相與一笑懼齋陳普尚德

爲之注大德甲辰武夷劉槃跋云槃居游武夷常誦權歌未得要領懼齋陳先生出示旨義乃知九曲寓意直與感興二十篇相爲表裏誠學者入道之一助不敢私已用竊感興詩解之後與同志共之

晦庵先生文鈔六卷詩鈔一卷

明成化刊本

張載華藏書

宣德五年海虞吳訥序曰朱子大全集總一百卷於眾體之中各錄數篇彙成一帙凡經書序說及性理書所載者不復再錄蓋圖易於記誦非敢有所去取也十年又序其詩曰嘗讀大全集觀其五言古體冲遠古澹實宗風雅而出入漢魏陶韋之間至其齋居感興之作則又於韻語之中盡發天人之蘊暇日因手鈔五言古體始於擬古終於感興諸作得二百首實於家塾以教子弟四明陳敬宗爲後序成化十八年巡按直隸御史莆田邱山及琴川周木各爲一序詳其所以刻之之意訥嘗於杭

州府學思陵石經後剗削秦檜跋語木嘗廢佛寺爲萬松書院  
皆主持正學故能於子朱子集而得由博反約之義耳 四庫  
存目但云崔銑以常熟吳訥晦庵文鈔六卷爲未備復爲續輯  
而略釋大意於每篇之末蓋與訥書相輔而行目錄以七卷爲  
始亦合訥書計之是此書實未進 四庫館也有涉園張載華

印兩圖記

梁谿遺稿一卷 勞季言增輯本

宋尤袤撰袤事蹟具宋史本傳傳載遂初小集六十卷內外制  
三十卷書錄解題五十卷今皆亡佚長洲尤侗自稱袤後輯成  
一卷凡文二十四首詩四十三首仁和勞季言從相山集景定  
建康志鐵網珊瑚客亭書啟編三朝北盟會編揚州府志赤城  
志天台續集萬柳溪邊舊話諸書增輯較原書幾及半矣有勞  
金檢梁甫兩印

周益國公全集二百卷 西圃蔣氏鈔校本

宋周必大撰必大字子充一字宏道自號平園叟廬陵人紹興二十一年進士中宏詞科歷官右丞相拜少傅進益國公謚文忠宋史有傳直齋書錄謂其間奉詔親征龍飛思陵等錄以多及時事託言未刊人莫之見鄭子敬守吉募工人印得之余在莆借錄爲全書然已漫其數十處全集爲嗣子綸手訂開禧丙寅中秋有跋曰先公丞相文集二百卷初與先友免解進士曾無疑三異纂集校正篇帙既定又得免解進士許志伯凌鄉貢進士彭清卿叔夏羅次召克宣相與覆校敬鈔本以傳惟日記白紹興戊寅訖嘉泰甲子紀錄頗詳而書彙尤多皆未容盡列寶藏惟謹當俟他日凡省齋文稿四十卷有陸游序平園續稿四十卷徐誼序省齋別稿十卷詞科舊稿三卷公自爲序掖垣類稿七卷公自爲序玉堂類稿三十卷公自爲序政府應制稿

一卷歷官表奏十二卷奏議十二卷奏詔錄七卷俱載回奏御批事件承明錄十卷載劄子經筵講議故事及東宮故事劄子表箋辛巳親征錄一卷記高宗親征之事起紹興辛巳十月止壬子年六月壬午龍飛錄一卷內述孝宗初登位之事起紹興壬午六月戊寅止隆興癸未四月壬戌歸廬陵日記一卷公自序云癸未改元隆興隨龍人龍大淵曾觀頗用事余因進故事每以爲言尋繳其知閣之命坐是請祠而去乃當時行記也閒居錄一卷公居家所錄起隆興癸未七月庚申止乾道丙戌九月己酉泛舟遊山錄三卷乾道丁亥三月公攜家泛舟入浙省外舅疾已丑達宜興十二月至吉庚寅奏事錄一卷是歲南劍闕到當奏事孳家泛舟入浙起四月丁亥止七月辛丑壬辰南歸錄一卷乾道壬辰公權中書舍人坐不允新除王之奇張說草詔有旨與外宮觀旨下出國門於六月己未至吉庚申孳家

入望雲門新居思陵錄二卷起淳熙十四年丁未止十六年己酉記高宗崩後孝宗居喪之禮以及光宗受禪之事玉堂雜記三卷公自爲序述前兩朝知遇兩人翰苑首尾十年凡涉典故輒筆而記之末附丁朝佐蘇森二跋二老堂詩話三卷二老堂雜誌五卷玉蕊辨證一卷辨玉蕊之非瓊花自爲小跋近體樂府一卷書稿十五卷附錄五卷諸公祭文李壁撰行狀樓鑰撰神道碑又撰忠孝耆德之碑太常博士撰定文忠諡誥年譜一卷宋刊之後少見刊本此爲西圃蔣氏手校鈔本有其印記通部完善洵未易觀

網山集八卷

舊鈔本

宋林亦之撰亦之字學可一號月魚先生福清人林光朝之高弟也光朝嘗講道於莆之紅泉及卒學者請亦之繼其席門人或勸之著書亦之作詩曰講學紅泉不著書只將心學授生徒

趙汝愚帥閩日嘗以亦之學業上於朝命未下卒年五十著有  
論語攷工記毛詩莊子解大半皆門人所述惟詩數卷其手筆  
也景定間林希逸復以言於朝追贈迪功郎謚文介集有劉克  
莊林希逸兩序

東萊先生詩集二十卷

舊鈔本

馬衍齋藏書

呂本中居仁

本中好問之子靖康初官祠部員外郎紹興六年賜進士擢起  
居舍人遷中書舍人兼侍講權直學士院學者稱爲東萊先生  
以詩擅名詩家多稱呂紫微是書前有慶元二年山陰陸游序  
乾道二年顛川曾幾後序曾序稱是集沈公雅編公雅於公爲  
通家子且從之游時出守吳郡暇日裒集公詩刻置郡齋是曾  
序在先也陸序稱公所爲詩已孤行於世其嗣孫祖平又盡裒  
他文若干卷屬游爲序則陸之序別有文集一編自建刻移置



於此紫微論詩須參活法彈丸之喻劉後村朱文公多議之同  
時如賴人曾幾與之贈答而不入派今觀幾序數百言宛轉低  
徊曾不以不入派爲嫌可見古人用心之厚此鈔本有古鹽官  
花山馬衍齋圖書一印

止齋先生文集五十二卷 明正德刊本

宋陳傅良撰傅良字君舉瑞安人師事鄭伯熊薛季宣又與張  
栻呂祖謙友善乾道八年登進士甲科教授泰州改通州福州  
光宗立除吏部員外郎遷祕書少監甯宗卽位召爲中書舍人  
嘉泰二年授集英殿修撰進寶謨閣待制終於家謚文節其爲  
學自三代秦漢以下靡不研究一事一物必稽於極而後已宋  
史載文集三十卷書錄解題云三山本五十卷此爲嘉定壬申  
博士徐鳳銀版於永嘉郡齋屬公門人曹叔遠爲前後序附錄  
樓鑰神道碑蔡幼學行狀葉適墓銘及遺文數首至明宏治間

編修王瓚錄自祕閣侍御史澤州張璉巡浙中見而善之授溫州守莆田林長蘧壽諸梓以廣其傳瓚與長蘧並有序宋刊而後此本爲最古矣

止齋先生文集二十八卷

明嘉靖刊本

止齋集一爲五十卷稱三山本蔡幼學所刊一爲五十二卷曹叔遠所編温州教授徐鳳刊於永嘉郡齋兩本並刊於嘉定間而蔡刻稍後不見流傳傳者惟曹本耳明正德丙寅温州同知林長蘧傳刻別增張璉所輯集外文八篇於曹編附錄之後此本密行細字併曹本爲二十六卷無一刪削附錄一卷遺文一卷則仍其舊爲嘉靖間安正堂刻本安正堂者當爲麻沙書肆之號寫刻精良卷中空格提行一遵宋式後之林刻陳刻遠不及也

蛟峰批點止齋論祖四卷

明成化刊本

永嘉止齋陳傅良君舉著述嚴陵蛟峰方逢辰君錫批點知嚴州府事淮南朱暉景文重刊

門人曹叔遠序公集謂片言落筆傳誦震響場屋相師而紹興之文丕變卽謂此種集中所載之文斷自屏居梅潭以後此作於隆興間故刪去不存前有論訣曰認題曰立意曰造語曰破題曰原題曰講題曰使證曰結尾分甲乙丙丁四體題後學釣臺邵澄孫清叟編誦傅參之宗山爲序云論學率祖止齋然刻本多遺缺至玉峰新編乃美矣備矣未明也今邵君清叟復加蛟峰批點其體製大意則見於各篇之評其法度微旨則見於各段之注腳一展卷間義理粲然甚明且備論學其得所祖矣後有淮南冰葉子朱暉識云論祖一峽止齋陳先生所作蛟峰方狀元所批點成化戊子余按巡滇南得廉憲莊公尙源藏本凡三十九篇謀刻廣傳瓜代弗果持歸尋擢守嚴郡校正書梓

以成初志云有半隱園一印

格齋四六一卷

舊鈔本

廬陵王子俊

子俊字才臣吉水人著有史論師友緒言三松類稿諸書朱子嘗書格齋二大字貽之且勉以博取守約之功安丙帥蜀辟爲制置使右四六文一百二篇乃三松類稿之一

格齋先生三松集一卷

十萬卷樓鈔藏本

廬陵王子俊才臣

卽格齋四六凡文一百二首朱竹垞檢討從宋本錄傳其行款可按也稱其由中而發無組織之迹亞於汪彥章卷首有嘉慶乙亥借汪蘇潭吏部本鈔出己卯八月以開萬樓藏鈔本校過晚間手記有宗炎宗炎校讀十萬卷樓藏書諸印

梅溪王先生文集五十四卷附錄一卷

明天順刊本

許麟夫藏書

宋太子詹事樂清王十朋龜齡著史本傳曰十朋有文行聚徒梅溪受業者以百數上親策士嘉其經學淹通議論醇正遂爲第一除起居舍人陞侍講見上英銳見必陳恢復之義因論史浩八罪知湖州去之日老稚攀留越境以送思之如父母東宮建除太子詹事力辭以龍圖閣學士致仕命下而卒謚忠文文集爲朱子代劉珙共父序紹熙壬子先生子闕禮錄木江陵定爲前集二十卷後集二十九卷奏議五卷聞禮爲跋尾附錄汪應辰所撰墓志銘明正德間御史劉謙守甌郡旁求博訪得刻本於黃巖蔡氏命郡學教授何濬加訂刊傳屬少保黃淮爲前序侍郎何文淵爲後序後附天順時温州守周瑋補刊劉珙原序系以小跋此本脫何文淵後序有許焯收藏个是醉夫手種田雨印蓋海昌許太史舊籍煊又號慕迂海宮人雍正癸卯進士官翰林院編修又有馬玉堂笏齋王沅私印芷橋氏諸圖記

蒙恩集二卷 舊鈔本

宋陳棣撰

首鈴翰林院紫印乃館中初輯永樂大典草底也攷凌氏禹姓統譜載陳汝字師予紹聖四年進士官至浙東安撫使子棣字鄂父以父任官至通判潭州乃高宗時人也詩則平易近情不失風旨厲鄂宋詩紀事亦遺其名

頤堂先生文集五卷

宋乾道刊本

姪傅編

絳雲樓書目載是書不詳卷數讀書敏求記王灼頤堂集五卷灼字晦叔號頤堂遂甯人隱居不仕著此集及碧雞漫志糖霜譜傳於世此本卷一爲古賦卷二卷三卷四爲古詩卷五爲近體詩一卷後有乾道壬辰六月王撫幹宅謹記一條每葉二十行行十八字版心記頤堂幾書刻圓湛洵宋刻之上駟攷柯維

騏宋史新編藝文志載頤堂集五十七卷此書前爲古詩三卷而近體詩止一卷殆什中之一耳厲氏鶚宋詩紀事云灼嘗佐總幕府選詩不出此卷或卽遵王之所藏者有城南王氏傳家之寶王氏圖書王璉印公遠圖書明時王璉凡三人一爲長山人師事宋濂史館編修一爲丹陽人永樂辛丑進士一爲宣德間監察御史究不知何屬也灼四川省志遂甯縣志皆無傳成都文類止載近古堂記一篇詞綜有詞數閱

平庵詩稿十六卷 舊鈔本

宋項世安平甫著

世安字平甫松陽人淳熙二年同進士出身除校書郎通判池州而終於太府卿當慶元時謫居江陵杜門不出諸經皆有論說於易尤邃所著平安梅稿宋史藝文志載四十七卷傳本已希阮文達公撫浙時過錄舊鈔十二卷凡詩一千二百八十五

首進之 祕府見於挈經室外集提要此爲余秋室太史集分纂永樂大典摘出時誤傳全集已鈔入 四庫編纂遂輟仁和吳長元寓太史邸舍取其存稿黏帖成書手錄副本計悔稿丙辰悔稿悔稿後編凡三種共得一千四百餘首約分十六卷以書錄解題所載較之悔稿十五卷今丙辰以前共得詩八百六十餘首悔稿後編六卷今得詩五百五十餘首知悔稿之所缺甚多也且云後編自丁巳終壬戌據本傳則丙辰悔稿正僞黨罷職之時後編諸詩必終於壬戌以後如七古內凱歌一首此開禧間解德安圍也七絕內贈石首李令云莫談三十年前事愁損河陽一縣心自注淳熙乙未予三人同試南宮是詩當在丙寅丁卯之際上溯乙未方合三十餘年平甫卒於嘉定戊辰去壬戌又六年矣安得無詩歟平甫後編題辭作於慶元戊午但云安知異時不復悔此不言止於何年似解題所云未可盡



据也此本較阮氏進者又多詩一百餘首

蠹齋先生鉛刀編三十二卷

精鈔本

濟北周孚信道

孚字信道濟南人寓家丹徒白號蠹齋七歲通春秋左氏傳既長於書無所不闕博聞強記而尤邃於楚騷乾道中登進士第十年始爲真州教授竟卒於官仕止一命年僅五十平陽解伯時得公之遺文古賦古律詩表牋啟書序記疏青詞贊碑銘共三十卷目曰鉛刀編淳熙己亥京口陳珙序郝延解百禴伯時更題其後友人陳珙德厚宋廩子大同校正末二卷爲非詩辨妄以鄭樵作詩辨妄決裂古訓汨亂經義南渡諸儒多爲所惑孚乃陳二十四事以攻之其書原別本單行後人取以附入故通爲三十二卷珙序三十卷專指詩文而言也

蠹齋先生鉛刀編三十二卷附拾遺詩一卷

依宋鈔本

朱竹垞藏

周孚信道

前有潛熙己亥中秋京口陳珙序後有潛熙己亥重九日鄭延  
解百禰跋云百禰與蠡齋先生從游尋知遇最深男瑀受業於  
先生之門積有歲時盡得先生家藏詩文三十二卷先生平日  
盡力於斯文於詩尤刻意舊句多所更定與昔稍異不敢私藏  
於家命工鏤版以廣其傳學古君子覽之始知余拳拳之志焉  
又有友人陳珙德厚校正友人宋廓子大校正友人解百禰伯  
時編集三行行款似從宋槧而出有竹垞藏本一印先生有田  
園一畝睫書卷百牛腰之句寒家居元潘時雍之灌園後稱田  
家園築八千卷樓藏皮書籍管乞俞曲園太史書此二語以爲  
楹聯固巧合也

退菴遺集二卷

舊鈔本

宋參知政事金陵侯宣城吳淵撰

淵字道父甯國人潛之兄也嘉定七年進士累官汝東安撫使  
行宮留守兼屯田使拜參知政事封金陵侯謚莊敏宋史有傳  
集爲同邑梅鼎祚編校十二代孫吳伯與閩梓倪燦宋史藝文  
志補作二卷厲鶚宋詩紀事所選一詩一聯卽是此本篇帙雖  
少未可廢也有畊讀傳家濟陽丁氏書畫之章二印

雙溪文集十七卷

明嘉靖刊本

宋軍器大監金紫光祿大夫婺源縣開國男食邑三百戶王炎著  
炎字晦叔婺源武口人登乾道五年進士第調鄂州崇陽簿官  
至中奉大夫軍器監賜金紫嘉定十一年卒於家年八十一所  
居有雙溪築亭寄興以樂天自比所著有讀易筆記尙書小傳  
禮記論語孝經老子解春秋衍義象數稽疑禹貢辨攷工記鄉  
飲酒義諸經攷疑編年通紀紀年提要天對解韓柳辨證傷寒  
論總曰雙溪類稿初著易解未竟病革夜分祝天願須臾無死

以成書卒如其言又有詩文十餘卷曰雙溪集 四庫著錄者  
爲萬曆丙申尙寶司丞王麟得沈一貫家舊本重刻凡二十七  
卷又有十二卷本乃康熙中其族孫祺等所刻此則嘉靖癸巳  
裔孫懋元所刊凡十七卷有同邑潘滋序又有三山鄭昭先序  
搏齋先生綠督集四十卷 舊鈔本

廬陵曾丰幼度

丰爲撫州樂安人乾道己丑進士官至朝散大夫參知政事門  
人眞德秀志其墓文集四十卷宋時雖已經刊版旋亦磨滅至  
元三年五世孫德安得其遺書重刊而求序於奎章閣侍書虞  
集自明以後傳本又微汪氏振綺堂藏有明人鈔本中闕二十  
七至三十九凡四卷乾隆間 四庫館採錄遺書汪氏以卷闕未  
經進呈朱緒曾舊從汪借鈔校大典本多詩一百四十九首書  
五首序三首記十七首跋三十三首墓志十七首其原闕四卷

按目以求大典輯本僅得祭京文忠文李翼行狀跋邱軍判二  
十四詠跋王荆公帖跋山谷帖跋豪豬說鵬齋銘直齋銘鏡齋  
銘蘇瑩叟贊代但大夫謝表十五首餘四十八目則無從搜補  
然亦罕覩之祕笈也

象山先生全集三十六卷

明嘉靖刊本

宋陸九淵撰九淵字子靜金谿人乾道八年進士以史浩薦除  
國子正少時嘗聞靖康間事慨然有感於復讐之義至是訪知  
勇士與議恢復大計因陳五論帝稱善未幾主台州崇道觀還  
鄉開講席學者稱象山先生光宗卽位差知荆門軍政行令修  
民俗爲變丞相周必大稱之卒諡文安陳氏書錄與趙希弁附  
志均載其集明嘉靖四十年德安吉陽何公撫江西改刻其集  
命臨海王宗沐爲序前列袁燮楊簡二舊序并正德時王守仁  
一序後列華亭徐階學則辯乃辯朱陸二子之學同歸一致之

理爲閩尤溪廖恕所附終以知金谿縣事會稽馬堯相識語

象山先生外集四卷語錄四卷

明正德刊黑口本 汪魚亭藏書

外集皆程試之文語錄乃撫州守李茂元刻陸氏全書時所附者此卽正德辛巳李刊之本正集二十八卷已失中有汪魚亭圖記及朱筆校語故雖殘而仍存之

慈湖先生遺書十八卷

明嘉靖刊本

宋楊簡撰簡字敬仲慈谿人乾道五年進士授富陽主簿會陸九淵道過富陽問答有契遂定師弟之禮朱文公史丞相俱薦之累官寶謨閣學士大中大夫致仕卒年八十六陳氏書錄解題載慈湖遺書三卷前二卷雜說後一卷遺文攷史傳慈湖所著有甲稿乙稿冠記婚記喪禮家記祭記釋菜禮記石魚家記又有已易啟蔽等書是編前十卷皆題家記後七卷則書及講義序記賦詩文跋銘行狀墓誌銘祝文青詞之屬也卷十八爲

附錄已易本另爲一編此列之卷首自出後入彙集而仍名遺書耳首列史傳末附門人錢時所撰行狀真西山跋文元公行狀後曾定遠答問入首乃明嘉靖間侍御秦鉞勸懲錄梓屬武林陳洪謨太倉周廣爲序今序已失先生於淳熙中官浙西撫屬儼居錢塘寶蓮山之顛榜其廳事曰莫能名齋自爲記雲山江水之間鮮有追先生之風而求故蹟者矣

慈湖先生遺書十八卷附鈔補遺一卷

明嘉靖刊本 振綺堂藏書

此本明嘉靖四年巡撫江西武陵陳洪謨宗禹所序稱侍御秦君按大江之西出舊藏慈湖遺書若干篇手自勘讐得十有八卷以鏡諸梓侍御名鉞字懋功正德甲戌進士蓋與先生同邑云按卷一序卷二記卷三書卷四祝文卷五行狀墓誌銘文講義跋銘卷六賦詩歷代詩卷七至卷十六家記卷十七紀先訓卷十八附錄後鈔附補遺雜文一卷有汪魚亭藏閱書印近慈

湖楊理庵太史改爲校識

舒文靖集二卷

舊鈔本

宋舒璘撰

璘字元質一字元賓奉化人通直郎徽之第六子乾道八年進士授徽州教授擢知平陽縣終宜州通判涪州中追諡文靖本陸象山門人文集十六卷危素嘗序之云公之學行歷官場文元公銘其墓袁正肅公提點江東刑獄時作祠徽州而爲之記王公應麟嘗作小傳載四明志今詔修三史史官危素以公與沈端憲公同傳宋史槩可得而攷矣公里人呂虛夷素嘗屬之求公文集旣數年乃以書介公之六世孫莊七世族孫祥金奉遺集至京師以授素竊攷公之學一本諸心發而爲言無往而非此心之妙斯豈執筆摹擬區區於文字之末者所能窺其彷彿哉此本初不分卷卷首有翰林院印中有校簽鈎勒集中書



誌墓志記錄爲上卷劄子與啟爲下卷著錄 四庫或當時之

底本耳

文靖集二卷 補鈔本

浙江採集遺書總錄舒文靖集一冊寫本宋教授鄞縣舒璘撰  
吳焯題云雍正間慈溪鄭義門過杭以此冊見貽蓋爲姚江梨  
洲黃氏從其裔孫鈔得者按館中底本原上一冊分編爲二別  
見雍正辛亥十六世孫玠刻本題廣平先生類稿作四卷核之  
仍一百十四篇玠序稱文靖公建塾名廣平書院教子若孫如  
鉉及津澍滋泌械莊者咸得道學之傳世遠年湮祖之類稿鮮  
有見者迨八世孫諱護手錄編次得十二世外孫鄒孟坎與本  
邑蕭侯付諸梓僅文靖公之言行攷而類稿終不彰玠不肖洩  
羅手錄百十四篇與目錄無一缺者乃知類稿之全謹課本族  
以襲厥成似梨洲卽鈔於類稿將刻之時耳

雲莊劉文簡公文集十二卷外集十卷年譜一卷

明正統刊本  
與公藏書

門人果齋李公晦方子編次曾孫省軒劉應李希泌點校十世孫道齋劉穩宗安重刊

文簡公名燭字晦伯建陽人與弟炳受學於朱子呂東萊乾道八年進士偽學禁興從朱子武夷山講道築雲莊山房隱焉及司業國學言於史相彌遠請刊朱子所著四書之說備勸講又乞罷偽學之禁又請罷造賀金正使并絕金人歲幣進權工部尚書兼左諭德卒贈光祿大夫所著有奏議史稿雲莊外稿續稿經筵故事東宮詩解禮記解易說四書集成講堂故事文集十二卷乃門人李公晦編次嘉定癸未煥章閣待制李重爲序曾孫劉應李校正明正統九年十世孫劉穩重刊自爲後序四庫著錄者爲天順間十世孫梗所編亦十二卷較此本多文數篇卷端有雲莊先生眞像并蔡沈劉童像贊外集爲穩之父

孔淵所編首卷爲文簡世系行狀之類二卷爲挽詩祭文祠記  
雲莊精舍記雲莊書院記卷三爲文安公炳象贊小傳挽詩靜  
齋先生屋像贊小傳祭文忠簡公欽象小傳炳字韜仲文簡之  
弟與文簡受學於朱子登淳熙五年進士歷官兵部侍郎陞通  
奉大夫嘉定八年卒諡文安屋字伯醅文簡公子以公蔭補將  
仕郎官至知常州改差主管建康府崇禧觀消祐七年卒欽字  
子特文簡孫也以祖蔭補承事郎歷官殿中侍御史同知樞密  
院事卒諡忠簡卷四爲省軒先生應劉象贊小傳草堂先生勉  
之象贊小傳墓表恒軒先生懋象贊小傳行狀神道碑應劉字  
希泌炳之孫登咸淳甲戌進士官建陽簿宋亡隱於武夷洪源  
山中至大四年卒勉之字致中幽之子以鄉舉入太學晚年居  
寒泉結草堂講道其中紹興十九年卒懋字子勉文簡公父也  
紹興特奏名授迪功郎累官朝奉大夫致仕慶元二年卒贈金

紫光祿大夫卷五爲文簡墓園祠堂圖祭文神道碑卷六爲朱子與文簡兄弟書卷七爲雲莊十景圖詩卷八爲文簡慶元黨禁力扶道統遺事卷九原未成書卷十爲明時公牘移文首列年譜一卷乃門人永嘉沈僴述前有邱谷序一篇其編纂最爲無法人則先後倒置事則叢雜失當有徐渤之印徐氏惟起江士鍾藏諸印

雲莊劉文簡公文集十二卷

影寫正統本

右影寫明正統本其卷首乃一刻葉中爲雲莊劉先生像係繪全體與前刊不同左爲武夷蔡沈贊曰道德美矣功業偉然上光所授下擴所傳澤被郡邑名列史編配享廟食奚千百年右爲屏山劉童贊曰丰姿天成德業日進太學司成斯文丕振忠鯁敷陳僞學弛禁黼黻皇猷千載不泯背有木記云先祖文簡公同弟炳幼從朱子之門在宋爲名臣平生著述甚富門人果

齊李方子將草稿詩序編次成集曾孫省軒劉棨應李隱於武夷洪源山中編集翰墨諸書及將文集點校鈔聚立化龍書院以爲講道之所收藏書版後因元季厄於兵燹無存續後子孫鈔勝殘缺多譌幸先君澤所藏古本叔輝恐磨沒命予刊行遂山已財敬繡諸梓以廣其傳十世孫劉穩拜手敬識於義甯精舍云存此一紙亦足徵此集之源流也

盤洲文集八十卷目錄二卷

舊鈔本

陳振孫書錄載盤洲集八十卷題曰丞相文惠公鄱陽洪适景伯撰适忠宣公皓長子忠宣使金時近年甫十三紹興壬戌與弟遵同中博學宏詞其後自淮東總領入爲太常少卿旋入右府財半年而拜相未幾去位開居十六年而終集本罕有傳布毛氏汲古閣所藏居然影摹宋槧從此輾轉傳錄近且不止一刻此亦依宋舊鈔足繼忠宣而冠文安文敏諸集矣有善揚鹿

山盆梅齋三印

洪文安公小隱集一卷

勞格補輯本

右爲仁和勞季言格手編洪文安公遺集一卷文安名遵字景嚴自號小隱鄱陽人忠宣公仲子也生於宣和二年紹興十二年中宏詞科二十五年自祕書省正字兼中書舍人後擢翰林學士出守吳門高宗將內禪召爲翰林承旨禪位之詔登極之文尊號改元等文皆出其手孝宗命知貢舉遂登樞近文安進用最先於兄弟而得年不永薨於淳熙元年弟邁撰行狀宋史藝文志洪邁小隱集七十卷久佚此則制誥劄子奏狀雜文凡六十餘篇及繩筵進故事若干條詩詞三篇前冠樓煥原序後綴周益公所撰神道碑有勞格季言勞格保艾諸印

洪文敏公集八卷

勞格補輯本

煥章閣學士宣奉大夫提舉隆興府玉隆萬壽宮魏郡開國公食

邑二千五百戶實封二百戶欽賜野處郡陽洪邁著

邁字景盧鄱陽人忠宣公季子從二兄試博學宏詞科獨被黜  
紹興十五年始中第授兩浙轉運司幹辦公事入爲敕令所刪  
定官忤秦檜投閒久之官端明殿學士謚文敏宋史有傳宋藝  
文志載野處猥棄一百四卷瓊野錄三卷陳氏書錄祇載野處  
類稿二卷其全集未見似當時傳播已罕所著容齋五筆夷堅  
志之外津逮祕書刊其題跋二卷學海類編刊其詩話及四六  
叢談 四庫著錄之野處類稿二卷近錢大昕細核與朱韋齋  
詩無少異疑爲書賈僞託此八卷不知編輯姓名前列本傳勞  
季言復詳加校訂刪去隨筆中之文而益以詩文六十餘篇可  
稱善本也已有勞格季言玉參差館勞保艾印諸圖記

應齋雜著六卷

舊鈔本

宋趙善括撰

善括爲太宗七世孫宋史宗室表載其名集不載於藝文志

四庫館輯自永樂大典釐爲六卷并按集中迂黃樞密知隆興府啟有一厘爲氓語則籍隸隆興祭漢陽趙守文有仙源同盟雁塔俱第之語則嘗登進士也釋褐後宰常熟倅平江長沙京畿知鄂州終於岳州漕佐中有免臨安丁役奏議乞免臨安府丁錢具見當時稅制餘文皆簡潔切當深中時弊

艮齋先生薛常州浪語集三十卷 明鈔本 振綺堂藏書

宋薛季宣撰季宣字士龍永嘉人起居舍人徽言之子也六歲而孤鞠於伯父敷文閣待制弼年十七從荆南帥辟寫機宜文字獲事袁旣旣嘗從程頤學盡以其學授之故於古封建井田鄉遂司馬法之制靡不研究講畫皆可行於時樞密使王炎薦爲大理寺主簿後除大理正出知湖州改常州未上卒年四十四於詩書春秋中庸大學論語皆有訓義其雜著曰浪語集集有



寶慶二年姪孫知撫州軍州師旦後序稱叔祖所爲文雖富而猶有未脫稿者先叔建安簿沅早世其孤又幼篋中書祕不復啟頃華文曹太傅持節東川嘗取奏劄簡牘刊於蜀憾不得全師旦守臨汝因令師啟弟從其家發篋中書詮次得三十有五卷而毀諸梓此獨篋中所存者遺軼尙多焉續未版刻傳者皆出繕寫此爲淡生堂鈔本行款猶仍宋槧有淡生堂經籍記曠翁手識汪魚亭藏閱書印記闕卷以舊本補足瑞安孫琴西太僕刻永嘉叢書曾假以校正

石湖居士詩集三十四卷

陳羽山校本

朱范成大撰成大字至能吳郡人紹興二十四年進士以起居郎使金附奏受書事抗虜於殿陛間歸時益被眷官至參政石湖在太湖濱面湖爲堂號鏡天閣又一堂扁曰石湖阜陵宸翰也馬氏陳錄載其集一百三十六卷宋嘉泰三年公之子莘茲

求序於楊誠齋求校於龔芥隱而刊於家之壽樑堂年湮版亡  
卽鈔本亦不可得明宏治癸亥金蘭館以活字印行止三十四  
卷此本雖爲吳郡顧氏重訂而卷端有楞山小印知曾爲陳撰  
所校也楞山書畫秀逸手筆益可珍玩

誠齋集一百三十五卷

舊鈔本

### 廬陵楊萬里廷秀

萬里紹興二十四年進士官至寶謨閣學士立朝多大節如乞  
留張栻爭呂頤浩等配享及地震應詔一書議論鯁挺孝宗愛  
其才以問周必大必大無善語由此不見用韓侂胄築南園屬  
爲記許以掖垣曰官可棄記不可作也侂胄專僭憂憤成疾疾  
革呼紙書曰韓侂胄奸臣專權無上動兵殘民謀害社稷吾頭  
顱如許報國無路惟有孤憤落筆而逝時年八十三贈光祿大  
夫光宗嘗書誠齋二字賜之學者稱誠齋先生謚文節集乃其

子長儒於嘉定元年所編端平元年門人羅良茂校正次年劉煒叔爲序稱以卷計者一百三十有三讀公贈誥有文規堯姒蓋一百三十卷詩到陰何積四千二百首之富可證也惟是宋刻絕迹卽鈔本亦罕宋蔚如寶王屢經勘正冠以宋史本傳吳繡谷甌亭父子從而鈔校益見完善此本前又有柳齋識云誠齋集或八十卷或一百二十卷皆非全書至百三十又三可稱全璧癸卯春予於他處忽得誠齋集二卷附於卷末眞至寶也有石林山房圖書印

北磻文集十卷

舊鈔本

宋釋居簡撰居簡字敬叟潼川王氏子資質穎異依邑之廣福院得度後於飛來峰北磻締一室居十年人不敢以字稱因以北磻稱之清祐丙午作偈而逝壽八十臘六十二嘉定丁丑盱江張自明作集序云今年予歸自嶺表北磻游華亭知予人長

安駕小舟看予於清河坊客舍握手道契闊十三年如一日也  
讀其文宗密不知其伯仲誦其詩合參寥覺範爲一人不能當  
也按文瑞樓別有詩集九卷本前有葉水心小札云新詩尤佳  
三復媿歎然有一說不敢不告林下名作將以垂遠不可使千  
載之後爲人捐摘集中有生日詩此意幸入思慮何時共話少  
慰孤寂詩集今未得見此文十卷無世俗慶賀文字禪林梵宇  
締造源流多賴之以傳

渭南文集五十卷

明宏治華氏活字本

陳簡莊藏書

山陰陸游務觀

游爲左丞佃之孫隆興初召對賜進士出身爲樞密院編修官  
後以夔倅入蜀自號放翁在蜀九年乃歸晚由嚴陵召爲南宮  
舍人將內禪周益公薦直北門上終不用及韓用事爲作南園  
記遂以次對再致仕嘉定庚午年八十五而終知溧陽縣幼子

子通識集後云先太史遺文當未病時故已編輯今別爲五十卷凡命名及次第之旨皆出於遺意乃鉅梓溧陽學宮渭南者晚封渭南伯乃自號嘗謂子通曰劍南乃詩家事不可施於文故別名渭南如入蜀記牡丹譜樂府詞本當別行而異時或致散失宜援歐公集例附於後明宏治壬戌致光祿署丞事錫山華珵汝德得溧陽本因託活字摹而傳之長洲吳寬吳郡祝允明並爲序華珵亦自記於後有簡莊藝文仲魚圖像得此書費辛苦後之人其鑒我鷓鴣寄室王氏收藏諸印

渭南文集五十二卷

明正德刊本 邵二雲藏書

山陰陸游務觀著

陳振孫書錄解題渭南集作三十卷馬端臨通攷因之佚久不傳宏治間光祿華君得子通編五十卷本摹以活字此則正德癸酉浙江按察司僉事新安汪大章序稱巡行越郡得其文集

屬郡守梁君喬倡其寮屬時同知屈銓通判王翰李昇推官杜  
盛知縣張煥黃國泰共刻之凡文四十一卷天彭牡丹譜一卷  
古樂府一卷五言古詩一卷七言古詩一卷五七言長短句古  
詩一卷五言律詩一卷七言律詩三卷五言絕句一卷七言絕  
句一卷詞一卷前宋史列傳後有梁喬跋有邵氏二雲印

渭南文集五十二卷

明萬曆刊本

此依正德本而刊也前後列汪大章梁喬兩序又宋史列傳先  
之以福建按察使高安陳邦瞻重刻序

澗谷精選陸放翁詩前集十卷須溪精選後集八卷別集一卷

明初刊本

李伯雨跋書

放翁陸游務觀撰

前集

澗谷羅椅子遠選

後集

須溪劉辰翁會孟選

劍南前稿四十卷續稿合前詩爲八十五卷子虞刊之九江郡  
齊名曰劍南詩稿毛晉汲古閣所刊者是也尙有遺稿七卷今

不可見矣此羅椅選者十卷有墨印白文曰前集劉辰翁選者  
八卷有墨印白文曰後集兩集所選無一首複見當爲元時書  
坊併刻時所及而追題其目別集一卷無編纂姓名椅廬陵人  
寶祐進士辰翁廬陵人大學生景定壬戌廷試入丙第有宣城  
李氏瞿劄石室圖書印記宛陵李之卯藏書印

澗谷精選陸放翁詩集前集十卷須溪精選后集八卷別集一卷  
宏治本 鳴野山房藏書

放翁陸游務觀撰

前集澗谷羅椅子遠選

后集須溪劉辰翁會孟選

前刊本祇大德辛丑椅孫愜一序是止爲澗谷所選者而作須  
溪選本前後本無序跋 四庫著錄者與此卷數符合惟重刻  
舊跋齟齬斷爛僅得約略此雖鈔本前有宏治十年吳郡楊循  
吉序云放翁爲南渡詩人大冢而年又最壽故其作不啻萬首  
今澗谷須溪所選殆十一爾二家最好微有不同然搜元獵奇

班班略備劉戶部生之蜀人雅工吟詠近以監稅使杭遂用餘力使翁詩一新云又有蜀劉景寅識後云放翁全集有鈔本尚存然未嘗見也獨澗谷須溪所選當勝國時書肆中嘗合而梓行故傳錄漸出而印本則見亦罕矣宏治丁巳在杭學究家購得梓本竊意謝疊山以澗谷爲詩派之靈光揭受頌以須溪爲詩流之善評要皆具眼非苟焉者而況放翁之詩乎顧其書歲久且敝字循多誤乃舉似善鳴先生正定又因取方虛谷所編律體悉檢翁詩鈔出與選復者去之爲別集附焉以備一家之言會餘杭尹冉君孝隆同年友也偶見悅之遂辱授梓而贊其始末別集末有國子監前趙鋪新刊一條蓋杭城按察司之舊太學也有霞西手鈔山陰布衣手鈔書卷是家財沈氏鳴堃山房收藏書畫諸印

金陵百詠一卷 寫本



宋臨川曾極景建撰

極著春陵小雅已不傳此詠建康故蹟之作凡七絕百首今尙少二首羅礪谷謝曾極惠金陵百詠書云黍苗離離麥秀芃芃用古宮於荒畦撫頰城於野草僕悲馬懷之歎至百詠極矣不知景建是何肺腑能辦此等機人言語於千載之下耶中詠同秦寺云此身終屬侯丞相誰辨金錢贖帝歸遊心堂紙云一幅降牋何用許價高綠寫宋文章寶慶間詩禍起極有少作云九十日春晴意少一千年事亂時冬當國者惡之貶謫春陵而死往春陵詩云挾策行行訪楚囚也勝流落嶠南州發絲半是吳蠶吐襟血全因蜀鳥流徑窄不妨隨繭粟路長那更聽鉤粉家山千里雲千疊十口生離兩地愁鮑士恭嘗以此帙進四庫館此從舊本影寫者

水心先生文集二十九卷 明正統刊本

章貢黎諫編集

宋葉適撰適字正則温州永嘉人淳熙五年進士第二人授平江節度推官後擢太常博士兼實錄院檢討官嘗薦陳傅良等三十四人後皆召用朱子爲林栗所劾上疏力爭光宗以疾不朝重華宮者七月適方爲尙書左選郎官見上力言帝兩詣重華宮都人懽悅內禪嘉王凡表奏皆趙汝愚與適裁定汝愚既相賞功將及適適曰國危効忠職也韓侂胄恃功以遷秩不滿望怨汝愚適告曰侂胄所望不過節餞宜與之汝愚不從乃歎曰禍自此始矣力求補外除太府卿總領淮東軍馬錢糧及汝愚貶適亦爲胡紘劾罷侂胄後啟兵端適雖屢疏當審而後發且力辭草詔而言者終劾以附韓用兵奪職後奉祠者凡十二年官至寶文閣學士通議大夫卒諡忠定爲文雄贍奔逸卓然南渡大宗碑版之作簡質厚重尤可追配古人陳氏書錄趙氏

附志皆云集二十八卷又有拾遺一卷別集十六卷則獨載於書錄解題城久散逸明正統十三年處州推官黎公元名諒常行縣訪之得奏議記序等作八百餘篇分爲二十九卷屬泰和王直爲序仍列趙汝譔原序於前并自爲識每卷之下均標前集二字其所著經傳子史編爲後集今後集未見豈卽所爲別集乎惟此本前五卷奏劄狀表奏議之文皆具別集黎氏編時實未見別集耳

南塘先生四六一卷

舊鈔本

宋趙汝譔撰汝譔字履常太宗八世孫洎熙十二年進士官至權刑部尙書宋史有傳居餘杭文章典雅歷掌制誥王應麟極稱之

石屏詩集八卷附東塾詩一卷

明刊本

秀野草堂藏書

宋戴復古撰復古字式之天台人所居有石屏山集因以名從

學於陸劍南以詩鳴江湖間至正戊戌黃師泰序略云先生詩本於杜而未嘗有一詞蹈襲之者今傳世已久而又有八君子爲之論著予生也晚復何言哉跋有沒義趙汝騰荆溪吳子良四明樓鑰盱江包恢東平趙以夫建安真德秀潛齋王埜壽峰倪祖義刻劉鏞栗齋鞏豐眉山楊汝明趙蕃月洲李賈等不止八君子始後有增入此集無八君子序跋并脫其父戴敏東舉集但附錄戴東塾詩一卷東塾名昂字景明嘉定己卯登第授贛州法曹參軍末有寶祐改元自序按四庫著錄爲六卷本提要不言附錄殆別一本歟有顧嗣立印俠君秀野草堂顧氏藏書印汪魚亭藏閱書諸印

石屏續集四卷

影寫書棚本

天台戴復古式之

按馬金汝礪父跋稱天台布衣戴屏翁以詩鳴宋季類多閔時

憂國之作同時趙蹈中選爲石屏小集袁廣微選爲續集蕭學  
易選爲第三稿李友山姚希聲選爲第四稿上下卷此冊四卷  
名曰續集後有臨安府柵北大街陳宅書籍鋪刊行二行當爲  
袁廣微所選陳芸居所刻余家有明刊本爲詩七卷詞一卷附  
東野農歌一卷洪氏台州叢書本卽從此出今檢續集之詩列  
入已十之八九集外之詩甚少七卷本迨卽合各本排比刻成  
此僅後集亦足觀宋時面目

南軒先生文集四十四卷

明刊黑口本 汪季青藏書

廣漢張拭檄夫

拭乃魏忠獻公浚之長子當孝宗朝以任子不賜第入西掖者  
韓元吉與劉孝趙其人經筵者惟拭一人耳後以右文殿修撰  
提舉武夷山冲祐觀病卒年四十有八嘉定八年謚曰宣學者  
稱爲南軒先生朱文公嘗校定其集而爲之序稱其天資甚高

聞道甚蚤學之所就既足以名於一世然察其志未嘗一日自足也此明黑口刊本文瑞樓書目定爲宏治正德間所刊有星千橫經閣平陽季青甫圖書記展硯齋圖書攜藻堂藏書諸印

勉齋先生黃文肅公文集四十卷附錄一卷

影宋鈔本

宋黃幹撰幹字直卿號勉齋福州閩縣人少受業於朱子朱子語人曰直卿志堅思苦與之處甚有益值張栻亡朱子與書曰吾道益孤矣所望於賢者不輕遂以其子妻之甯宗卽位朱子命幹奉遺表補將仕郎朱子竹林精舍成遺幹書有他時可請代卽講席之語病革以深衣及所著書與幹與訣曰吾道之託在此吾無憾矣訃聞日行百里至攷亭爲護喪事持心喪三年歷知漢陽軍安慶府主管亳州明道宮致仕授承議郎後諡文肅宋史列道學傳趙氏讀書附志僅載孟子講義一卷宋藝文志載講義經說三卷雜文三十六卷詩一卷此寫本卷數相合

附錄本傳謚議行實祠記祭文等篇前後無序跋每半葉十行  
行十八字卷中略有闕文殆影寫時版已漫漶也

山房集八卷後稿一卷

舊鈔本

宋周南撰

南字南仲吳郡人瀆熙庚戌登甲科官至祕書正字陳振孫書  
錄解題載周氏山房集二十卷後集二十卷與宋藝文志作五  
卷者異蒙叟書目著錄是書凡七冊當燬於絳雲一炬館臣所  
採永樂大典本不及四之一南仲固工於四六然雜記諸條足  
補史事康伯可傳述其貪穢惡迹尤徵古直羣書題跋二十餘  
則與晁陳趙三家無多讓焉

校注橋山四六二十卷

明萬曆刊本 怡府藏書

宋古潛李廷忠居厚著明曲阿孫雲翼禹見注

前有萬曆丁未雲翼識云先大父曲水翁喜藏異書多宋人鈔

本橋山四六其一也甲申應貢之京舟中檢笈偶以是書護部牒遂加箋釋旋至炎徼多暇訂正刊傳廷忠於潛人橋山其號也清熙八年進士歷無爲教官旌德令夔州倅別著洞霄詩集見於厲鶚宋詩紀事今存者惟此而已有明善堂覽書齋印記安樂堂藏書印宛陵李之邵藏書印諸圖記

騷略三卷

明翻宋本

高氏似孫續古

似孫字續古四明人翰林學士文虎之子清熙十二年登第授館職以禮部郎出守處州此卷所擬騷賦凡三十二篇其後款乃詞一篇則集杜甫詩八句柳宗元詩四句爲之

四庫入存目

竹齋先生詩集三卷附錄一卷

舊鈔本

宋新建裘萬頃元量



萬頃瀟湘十四年進士累遷大理寺司直父方家居力請外任  
便祿養添差江西撫幹時眞西山官安撫雅相傾倒迨其卒也  
楊慈湖志其墓詩集三卷羅羅清疏直摠胸臆不欲爲山谷之  
峭刻而別自成家末一卷附錄諸敕志銘題跋輓詩右鈔本有  
西堂藏書畫記琴書詩畫集兩印

信天巢遺稿一卷林湖遺稿一卷江村遺稿一卷疏寮小集一卷舊鈔本

信天巢遺稿高翥著翥字九萬一字衍孫號菊礪餘姚人自序  
云瀛鄞二州塘梁之上有禽類鳴色蒼而喙長凝立水際不動  
魚過其下則取之終日無魚亦不易地名曰信天翁子竊有感  
因榜所居沒葬杭州西湖之談家山有菊礪集二十卷其書久  
佚裔孫士奇康熙中於徐乾學家所藏宋槧書中探得遺詩一  
百九首益以家藏二十二首又於他處得十三首續得竹垞宋

刻江湖小集所載得四十七首刪除重複尙存一百八十九首刻之因題此名并載元貞元年姚燧序按姚序尙稱菊磻集不知士奇何以更此名也後附林湖遺稿爲姪鵬飛字南仲者所撰又附江村遺稿一卷則翁父選翁叔過之詩選過皆紹興中登第選字德舉官武當軍節推邁字德志官縣尉末附質齋遁翁二人之詩士奇據家譜採入已莫能舉其名矣又附高似孫疏齋小集一卷似孫集文獻通考作三卷朱季頌著人口集亦久亡此士奇以後之人採掇成書不完不備原本所有姑附箸焉亦足見高氏之多詩人也卷首有竹景盦古歡書屋趙韓甯印三印

漫塘文集三十六卷

明萬曆刊本

宋劉宰撰宰字平國金壇人紹熙元年進士爲真州司法詔仕者非僞學不讀周惇頤程頤等書才得攷試宰喟然曰平生所

學何爲首可斷此狀不可得卒弗與授秦興令多異政父喪免  
至京韓侂胄方謀用兵宰極言輕挑兵端爲國深害迄如其言  
理宗卽位逼判建昌府乞致仕予祠未幾遷太常丞拜疏逕歸  
年七十四卒後謚曰文清有文集三十卷語錄十卷集則宋淳  
祐二年王遂穎叔爲序未及開雕理宗徵入祕閣北遷後書籍  
並入中都至明大學士靳戒菴始錄得文淵閣本正德辛巳授  
憲副王臬遲庵序而刻之嘉靖己丑始成臬再爲序果州任佃  
又序歲久梨棗剝敝憲副從子爾祝倡議重刻而南京工部尙  
書同郡後學范崧序於首四明周應寶跋於後末有附錄並捐  
資校勘共事名氏爵里凡一百二十餘人皆同郡後學也王漁  
洋居易錄載舊說江以南無蝗蝻近時始有之俗祀南宋劉漫  
塘宰爲蝗神劉金壇人有專祠祀之則蝗不爲灾俗呼莽將殊  
爲不經

瓜廬詩一卷

精鈔本

薛師石景石

師石永嘉人隱居不仕築屋會昌湖西題曰瓜廬開卷卽載瓜廬五律云近來有新趣買得薛能園疏壤延瓜蔓深鋤去草根花時長載酒月夜正開門最識田家樂辛勤更不言前有嘉熙元年趙汝回序後有王師安刊四字當爲宋時梓人次趙希迈題詞後附錄徐照等八人贈詩劉植王汶書後跋語而以王綽所撰墓誌銘終焉

亞愚江浙紀行集句詩七卷

醉經樓鈔本

廬陵沙門紹嵩

詩均集唐宋人七言句前有紹嵩自序紹定己丑之秋自長沙發行訪游江浙村行旅宿感物寓意之所作越壬辰五月嘉禾使君黃公尹元以大雲虛席俾令承乏八月九日永上人來訪

盤礴旬餘每請曰師遊江浙集句可得聞乎予謝不敢永曰禪心慧也詩心志也慧之所之禪之所形志之所之詩之所形談禪則禪談詩則詩是皆遊戲師何媿乎予謝不敢力請再四發囊與其編錄得三百七十有六首分爲七卷楊夢行楊雲麟並有題句卷末有嘉熙改元丁酉良月師孫奉直命工刊行二行又有紹定四年宣城陳應申跋語

右別集類八